



新刊監本冊府元龜卷第捌拾肆

五

八十四

第叁

太宗

德九年八月甲子即位詔曰惟天為大七政所以

授時以辟奉天三才於是育物故能彌綸宇宙經緯乾坤大庇

生靈闡揚洪烈我大唐誕膺嘉運載協昌期丕受龍圖肇開鳳

紀太上皇狗齊作聖睿哲欽明奄有八荒光澤四表牢籠軒昊

跨躡殷周金鏡俯臨玉燭遐被然而至德無宰成功不居高謝

社稷存幸猷朕以

祭用升中位君臨

道今紹

武德九

還元厥庶僚進爵

一級其五品已上先無爵邑封開國男六品已下各加一轉關
內蒲芮虞秦陝鼎六州免二年租調自餘率土普給復一年八
十已上各賜米二石綿帛五段百歲已上各賜米四石綿帛十
段仍加板授以旌尚齒鰥寡孤獨不能自存者量事優恤其有
孝純貞於鄉黨徵訴門庭厚加褒擢節義之夫貞順之婦
表門閭高年碩學直言正諫所在長官隨狀薦舉
亡命以其罪罪之
藏軍器百日不首復罪如初敢以赦前事告言者

貞觀二年三月庚午詔曰宥過肆眚

所以垂風一面三

至人必
然去

物故知盡冠化俗義在無刑擊磬求情志存疎網
淳風漸薄上凌下替獄訟繁興罪萌日積於簡書

文莫

嘉石自非帝女臨政臯陶作二觀色聽聲哀矜靡

失雖從三章兩造能無完濫自新改過其道何由朕以虛薄恭
膺大寶寅對三靈君臨九服昧旦求衣夜分忘寢履薄乘奔未
足為喻兢兢業業懼弗負荷是以詳言卿宰不及芻蕘務求切
直救其不逮推赤心於萬物罄誠言於多士唯以蒼生在念豈

海之未寧慮一物之失所飾勸已無忘畧

道也庶感幽明思與群辟俱具至治而世教小康王風

既損秋場今茲早蝗又傷粟麥百姓嗷然懸聲

不德死庶何苦將由視聽弗明措失度遂使

謬氣序乖違於物罪已載懷憂惕若任年穀上稔天下

仍災朕以存萬國是所願也其心無吝此言之信有同

皦日故破露膏臆義在無隱八方率土想見朕心今東作方興而膏澤不降仰彼雲漢翹心何已宜布寬大之恩以順雷雨之德可大赦天下

四年二月甲寅詔曰天生蒸民樹之司牧莫不仰膺靈命克嗣

圖用能享鴻名常為天下首朕君臨八方于今四載夙興夜

寐無二

履薄馭朽心濟黔黎推心誠庶幾王道土荷蒼

吳之

股肱之力于内休平遐邇寧泰率此區域致之仁

壽景彼葷戎志患自昔軒昊以來常

也暴是以隆周致

之師強漢受曰登之辱武夫盡力于

至謀士極慮于廟堂征

伐和親無間上策有隋災亂憑陵轉其疆場之萌曾無寧歲朕

韜干鑄戟務在存養自去歲迄今降款相繼不勞衛霍之將無

負鼎之咎單于稽首交臂膏街名王面縛歸身夷邸襁負而

至前綫不絕被髮左衽之鄉狼望龍堆之境蕭條萬里無復王

庭唯頡利挺身逃竄林穴天網雲布走伏何所大同之世諒在

茲日斯皆上玄降祐清廟威靈豈朕虛薄所能致此方欲至仁

化物宜存寬惠思與萬邦同享斯福可大赦天下自貞觀四年

八日未幾以前罪無輕重自大辟以下悉囚見徒皆赦

負官物三分免一分其謀反大逆如言惑眾殺耆親

婢曲部反主官人枉法受財不在例鰥寡孤獨

州縣量加賑濟賜天下酺五日敢 赦前事相告
其罪罪之

壬辰詔曰朕恭膺寶命握圖馭曆屬喪亂之後承彫弊之餘引宣德化勵精治道遐邇肅清要荒來服即因暇務觀省民風遵彼岐梁言臻汧渭百年之老俱稱鼓腹五尺之童咸欣擊壤騰言曩昔亟隳此地歲月踰邁以迄于茲周覽原隰悵然懷舊延問鄉黨僚吏猶存事異宛譙情均豐沛民和俗阜上下觀宜宣覲浮俾同慶幸可特赦岐隴二州管內自貞觀四十年一月一日昧爽已前大辟非以下悉從原宥二州戶民無出一年租賦二十以上鰥寡篤疾及舊任二州雜職佐史以上賜物各有差百歲以上就加優恤行經咸陽 武功三縣見禁之囚

徒罪以上各減一等杖罪以下並宜 釋於年八十以上及鰥寡篤疾并武功縣舊軍主帥亦加賜物凡此界內名山大川望秩之禮傑加牲幣孝子順孫義夫節婦隨亭褒顯旌表門閭其賜之差更依別勅務從周厚以稱朕意乙卯又詔曰武功舊居與岐隴不異前令減罪未稱朕心其武功一縣曲赦其罪及賜帛免租賦等特宜同岐隴二州

五年五月壬午皇太子承乾疾篤請降囚徒許之
十二月癸丑降關內諸州死罪以下

二月乙酉皇太子承乾加元服丙午降死罪以下

七年三月壬午詔曰天地播氣垂生育之德至之御恩弘覆燾仁故能財成萬類元澤八表朕祇奉茲訓嗣 鴻業承百王

末季屬四海之凋殘夜與夕陽無忘兆庶尅已勤躬思隆政道欲使陰陽順序干戈載戢庶幾前烈致茲九措而永山之地頻年不稔水雨為災饑饉相屬蠢爾西戎屢擾邊境事不獲已遂勞兵車良由誠未動天德不被物興言念此撫已多慙加以澆偽尚繁刑典仍用雖番心聽斷明慎庶獄常恐縲紲之中含冤靡訴憲網所及弗辜致罪一物有怨深責在余今歲惟暮春時屬上長宜順天布澤與物更新可大赦天下自貞觀九年三

十六日昧爽已前大辟罪已下皆赦除之其常赦不免者不在赦例鰥寡惇獨不能日存者所在官司量加賑恤

十一年三月幸洛陽宮癸卯降洛州管內繫囚見徒仍免一年租調

十二年二月甲戌幸長春宮以舊經鎮漢朝邑縣無出今年租賦降囚免徒

十三年正月乙巳帝朝丁敵陵是日赦三原縣及從官衛士等大辟已下終覺未發覺皆石其罪免其縣人一年租賦年八十已上及孝子順孫義夫節婦鰥寡惇獨有篤疾者賜物各有差宿衛陵邑中即將士衛及三原令以下各賜爵一級

十四年正月甲寅幸魏王泰宅曲赦雍州及長安獄大辟罪已下并原之延康里百姓無出今年租

六月丁丑幸國學觀釋奠曲赦大理萬年繫囚大辟罪已下九月癸卯以交河道行軍總管侯君集繫高百逾文泰破之曲赦其部內大辟罪已下其後邪之徒勸文泰為忌并函逆不變

凡拒官軍者不在赦例可汗浮圖城及從軍兵士非犯十惡並
從赦免其士卒有父子犯死罪以下罪暮親犯死力犯徒小
功總麻犯杖罪悉皆赦若妖言惑衆殺人官人枉法受財劫賊
監治之主守自盜所監治不在赦限

十七年四月丙戌立晉王為皇太子是日帝御承天門樓大陳
仗衛文武百辟列於外京邑士女重疊而觀者皇城街悉滿當
道中樹金雞大赦天下罪非十惡皆赦之文武職事九品以上
及五品已上子為父後者各加一級八十已上賜以粟帛孝子
順孫義夫節婦咸表門閭鰥寡惇獨篤疾之徒量加賑給賜天
下酺

十一月壬午詔曰朕嗣守宗祧夙夜寅懼憂勤在於政道撫育
遍於含生十載于茲矣上玄儲祉身表瑞朕式備禋燎躬
謝蒼昊逮下儲兩亦申虔奉朔風既切飛雪載零及登泰壇六
合開朗神祇介福豈獨在予和樂之慶宜被率土可賜酺三日
自漢魏已來或賜牛酒牛之為用耕稼所資多有宰殺深乎惻
隱其男子年七十已上量給酒米麵梁州管內大辟罪已下見
禁囚皇太子慮過諸州並遣使人分往唯十惡不在慮限餘皆
量情降宥焉

二十年正月征遼還幸并州庚辰引從官及大原父老宴賜物
有差因下詔曰大原之地興運所階金晉之人義深惟舊自朕
恭膺寶曆二紀于茲何嘗不御宸長懷想疇岐之風雨臨軒遠
感念大麓之雲雷當于此時乃忘身而極溺寔賴同德並羸糧

而樂推役不踰年遂清區域諒由成都之衆謳訟闡虞帝之功
戰牧之徒歌舞興周王之業仗茲協力竟至升平懷仁勤勞可
忘畧刻既因垂拱之暇再生創業之方周歷郊原宛如躋昔訪
其父老已多長謝不見所謝魏后遂以興嗟卹彼故人漢皇因
而式宴前王是日哀樂交懷在朕深衷義付於此是用具陳廣
樂共申高宴取譬還誰之賞同彼幸代之情仍曲赦并州管內
大辟惡已下繫囚見徒皆赦除之常赦不免者不在赦例

二十一年正月詔無識之徒自陷刑憲者宜順陽和特申恩慮
諸司見禁囚並宜將過詳其輕重自此已後每視朝錄禁囚二
百人太宗親自案問降死自流流降入徒徒入杖杖者並放

二十二年三月丁亥詔曰昔周武應天志瑤臺而靡處漢高作
極獲負陽而不居散服桃林革命先於洛既遷粉社創制肇
于䟽龍朕御九成有幸斯義以茲撫事尤須改作何也文營仁
壽槩日臨雲煬超乾陽御珠帶璧比阿房而競爽猶且有加擬
傾宮而騁麗全于具體隨德云謝其徵在茲朕悼於懷為日既
久故為不侈義顯今辰加以心懷有濟事切於肌膚亟犯風霜
疾纏于膝理每至降曦屆序大火摘芒雖對寒泉如升頭痛之
坂式居珍簟若涉炎火之林由是岳牧擾皇公卿駭懼累陳丹
懇請建山宮歷載既深竊受百金之費詳其至理宜順萬姓之
心朕徃冒兵凶為黔首而忘已今茲清署豈勞人而取安但以
上奉宗祧下寧兆庶自非已有不可自輕敬忘休攝之方義理
古先之道發明二指創自一宮即潤䟽隍憑巖構宇土無文績

木不雕鏤鋪橋首以荆扉變綺窓於甕牖負宸協幽身之賞
垂
續嘉遁世之情振此冲規方垂帝範今既成之不日
宜順發生弘茲霈澤可曲赦宜君縣官及百姓并督作官人丁
匠等大辟罪已下常赦所不免者不在赦例其營監當官人量
加品秩及衛士已上並節級賜物先在營苑內住移出外者給
復三年

十二月辛酉詔曰皇太子沾業隆三善道兼四學忠孝是資寬
仁在慮興言獄犴每切于懷以春陽方動請行寬宥惻隱之心
屢聞旒宸宜順所請曲沅恩降雍州長安萬年及縣兩諸司見
禁囚徒三年已下差降杖罪並放免徒罪已上銅徵未輸者亦
從降例

二十三年三月丙辰其雨降時太宗雖積疾日久喜見於色謂
司徒長孫無忌等曰今此膏澤豈朕獨喜朕欲共天下蒼生同
並歡慶宜即為赦文旦日班之也辛酉百官及京邑士庶并列
於顯道門外見繫囚千餘人咸北面大宗力疾乘輿諸司庶寮
百姓等車馬填噓顧謂長孫無忌曰百姓滋盛如此誠可哀憐
朕方欲盡心布化令其安樂而疴瘵彌積事不遂心因慷慨長
息泣數行下然後遣宣詔曰昔興殷解網動加惠於生靈惟堯
肆赦播深仁于四海撫名嶽登甘泉疏長河揖儀鳳惟皇祚惠
此為常範朕夏越前古祇膺寶位雖復十角之冠久變衣冠而
乃三韓之野尚興車甲言念艱勤無忘鑒寐兼以去冬無積獻
歲愆陽陳罇俎於四衢免租田於百郡昔成湯七載始聞兢惕

朕今三月實懼於懷是以政令除殘商羊繼舞昭回佇詠纖阿
御畢密雨高飛傾河驟瀉至誠無爽天意非違宜布霖瀼同茲
愷澤可大赦天下大辟罪已下無輕重咸赦常所不免者不在
赦限其有忘官失爵宜量收叙八十已上各賜粟帛鰥寡惻獨
及篤疾量加賑貸

高宗以貞觀二十三年六月甲戌即皇帝位詔曰粵以孤藐屬
當元嗣荷構乾儀若臨冰谷思勵虛薄康濟元元敬順惟新仰
昭先德宣布凱澤被于億兆可大赦天下内外文武賜勲官一
叙諸年八十已上賚以乘帛雍州及諸州比年供軍勞役尤甚
之處並給復一年

永徽元年八月庚午親慮囚徒死罪降徒流流減入徒餘決杖
而免之慮未盡者令大尉無忌左僕射李勣等同慮之

三年正月甲子詔曰去秋久雨冬來無雪今陽和在展春作方
始膏澤未降良疇廢業或恐獄訟之間尚有淫濫含免未達無
辜致罪百姓有過責深在予宜順彼發生申茲恩宥在京及天
下囚徒死罪宜降徒流流降徒徒已下放免鰥寡惻獨及篤疾
之徒量加賑恤務令得所

七月丁巳立陳王忠為皇太子大赦天下五品已上子為父後
者賜勲一轉大酺三日

四年十月庚子幸温湯甲辰免新豐見禁囚

五年二月辛未帝在萬年宮詔曰恭膺寶命嗣奉瑤圖居萬乘
之尊當四海之責遐觀往烈詳求前古每希蹤於哲后常勞心

於庶物兢懼弗寧憂勤若勵屬天下無事區宇有截仰高風於
汾射暫清署於林泉朕昔在震宮侍遊茲壤山川如舊歲月不
追今既俗阜年和華夷胥悅緬懷徽範情兼感慰宜遵省方之
義且順陽和之序曲深惠澤式彰宥寬行幸所經諸縣及岐州
囚徒行人犯罪者流降徒徒已下免之

六年正月壬辰親謁昭陵還行宮詔曰朕恭膺大寶嗣隆景業
運處盈成光闡洪猷昧旦兢懷分霄動慮蒼旻垂祐宗社降靈
順黎元之心藉忠賢之力俗登仁壽道暨升平遠肅邇安時康
俗阜履端受節陽和肇氣親率庶寮奉謁靈寢遺弓永慕切終
身之憂撫鏡纏悲興寒泉之思敬深如在哀隆罔極薦享既畢
情禮獲申式表因心宜弘愷澤可曲赦醴泉縣并行從人大辟
罪已下皆赦除之百姓宜免今年租調右監門員外將軍常基
在此宿衛進爵一等陵令陵丞各加一階並節級賜物
二月乙巳皇太子忠加元服詔大辟罪已下並降一等杖者悉
原之

十月乙卯下詔立武氏為皇后令來月一日備禮冊拜丁巳大
赦天下流人達前所放還緣王柳蕭等家臣欽若等曰王皇后
等并舅家柳氏及配流者不在此限八十已上人各賜粟一石練三段百

歲已上各賜粟五石練十段孝子順孫義夫節婦咸表門閭寡
寡寡孀獨篤疾之徒不能自存者量加賑恤

顯慶元年正月辛未立代王引為皇太子壬申大赦天下改永
徽七年為顯慶元年文武職事九品已上及五品已上子為父

後者各加勳一轉七官失爵並宜量叙諸年八十以上各賜粟帛其有孝子順孫義夫節婦咸表門閭鰥寡惇獨篤疾之徒不能自存者量加賑恤天下大酺三日

二年二月幸洛陽宮辛酉詔曰洛州管內並行從者大辟罪已下並降一等死從流徒已下悉原之洛州百姓免一年租調十月幸鄭州壬子次汜水項曲赦鄭州管內

三年二月甲戌自東都還戊寅錄京城囚徒悉原宥之

四年十月皇太子引加元服大赦天下文武官職事五品已上子孫爲父祖後者各加勳官一級大酺三日

五年二月丙戌帝在并州曲赦并州管內及所經州縣義旗初職事五品已上身亡歿墳墓在州者令所司致祭佐命功臣子

孫及大將軍府佐以上見今在者賜階級有差

八月癸未以蘇定方等討平百濟曲赦神丘道行軍大總管以下兵士及其父母妻子大辟罪已下賜天下酺三日

龍朔元年二月乙未晦以益縣等五州皆言龍見改顯慶六年爲龍朔元年曲赦洛州境內

二年七月戊子朔以皇子旭輪滿月大赦天下大辟罪已下無輕重悉原之賜酺三日

三年十二月庚子詔以絳州麟見於介山含元殿前銀臺閣內並覩麟迹改來年正月爲麟德元年在京及雍州諸縣見繫囚徒各降一等杖罪以下並免之

麟德元年八月己卯降萬年縣囚徒流罪從徒徒杖杖已下

並宥之

二年四月壬午以蠻獠平曲縣桂庶黔三府管之

乾封元年正月戊辰朔有事於泰山壬辰御朝觀壇受朝賀大赦天下改麟德三年為乾封元年諸行從文武官及見朝觀岳牧二京番守并邊要州都督刺史三品以下並賜爵一等四品已上加授一階諸老人年八十已上者版受刺史馬司縣令婦人版受郡縣君并節級量賜粟帛天下百姓年二十一已上八十已下賜爵一級車駕所經州給復一年齊州停日稍久給復一年半兗州管獄給復二年逋租懸調見貸官物並宜免徵孝子順孫義夫節婦表其門閭終身勿事率土之內賜酺七日

總章元年三月庚寅詔曰朕以寡薄忝承丕緒奉二聖之遺訓跨億兆以初臨馭朽兢懷推溝在念而上玄垂祐宗社降休歲稔時和人殷俗阜車書混一文軌大同檢玉泥金升中告禪百蠻執贄萬國來庭朝野歡娛華夷胥悅但為郊禋嚴配未安大室布政敷化猶闕合宮朕所以日吳忘疲中宵輟寢討論墳籍錯綜群言採三代之精微探九皇之至順斟酌前載製造明堂棟宇方圓之規雖兼古實度筵陳俎之法獨運財成宣諸內外博考詳求度其長短冀廣聞見而鴻生碩儒俱稱盡善宜命有司及時赴作務從祈中朕意焉今陽和在辰景風扇物昆蟲草木有以自康朕之百姓尚多勞止思覃惠澤與其更新可大赦天下改乾封二年為總章元年大辟罪已下皆赦除之

二年九月己亥帝自九成宮還京師乙巳至岐州以高祖初任

隋爲扶風太守故曲赦岐州管內

咸寧元年三月甲戌朔以京師旱大赦天下改總章三年爲咸寧元年

四年十月乙未帝在九成宮以皇太子納妃裴氏禮畢曲赦岐州

上元元年八月壬辰進尊祖宗謚號改咸亨

五年爲上元元年大赦天下長流人並放還五品以上各舉所知大酺三日

二年六月立雍王賢爲皇太子大赦天下

三年二月丁亥帝幸汝州之溫湯令御史中丞杜文範慮汝州囚徒罪輕者皆免之

儀鳳元年十一月壬申以陳州上言鳳皇見於宛丘縣改上元

三年爲儀鳳元年大赦天下

三年四月丁亥朔以旱親慮減繫囚悉原宥之戊申大赦天下調露元年六月辛亥大赦天下改儀鳳四年爲調露元年

永隆元年八月乙丑立左衛大將軍雍州牧莫王哲爲皇太子改調露二年爲永隆元年大赦天下大酺三日

二年七月以太平公主出降曲赦京城囚徒大辟已下

開耀元年十月壬戌裴行儉等獻定襄所獲浮囚乙丑改永隆二年爲開耀元年曲赦定襄軍及諸道緣征單于突厥官吏兵募等

永淳元年二月癸未以皇太子誕皇孫滿月大赦天下改開耀

二年爲永淳元年大酺三日

二年九月己丑以皇女大平公主誕育曲赦東郡城內

弘道元年十二月丁巳詔曰朕以寡昧謬膺丕緒未嘗不孜孜訪道戰戰臨人朽馭懷秋駕之危負重積春冰之懼日慎一日三十四載於今矣何則足寒傷心人勞傷國下安郡上逸時弊即君憂所以身處九重而情周萬姓建本之懷遽切抑末之念愈深今雖庶績已凝淳源未洽履素歸厚者遂寂寥而靡聞狗華超利者尚馳驚而不息顧以薄德有謝移風永念郡方在予多愧况朕之繇系兆自玄元遠協先規光宣道化變率土於壽域濟舍生於福林屬想華胥載勞寤寐所冀內外察察各竭殫誠孰勸黎民俱崇簡實舊染薄俗咸與惟新憑大道而開元共

普天而更始宜申霈澤廣被絃延可改永淳二年爲弘道元年大赦天下前後情責流入並放還老人年百歲已上者版授下州刺史婦人版授郡君九十已上者版授上州司馬婦人版授縣君八十已上者版授縣令並婦人並節級量賜粟帛孝子順孫義夫節婦表其門閭終身勿事艱寡惇獨篤疾不能自存者量加賑給仍天下諸州置道士觀上州二所中州一所下州一所每觀各度七人又比來天后事條深有益於政言近而意遠事小而功多務令崇用式遵無怠見任內外官五品已上經四考及守五考經三考六品已下計滿三考政有清勤狀無私犯者各加一階

中宗神龍元年正月乙亥即位大赦天下唯張易之黨不在原

限其周典等所杜破家人子女已進宮及配沒者賜爵一級東
宮官僚見任六品加官計階應入五品者特令不拘年限諸州
百姓免今年租稅天下宗姓普准舊式房州百姓三年給復於
是天下大悅是月甲子立妃韋氏爲皇后大赦天下內外官預
陪位者賜勲一轉大酺三日

三月甲申制文明已來被破家人特從放免所有子孫並還其
資蔭其揚州構逆黨唯徐敬業一房及裴炎不在免限餘並原
宥

九月壬午親祀昊天上帝皇地祇于明堂禮畢下制曰朕聞唯
天爲大所以上序三宗惟帝爲宗於是宏開七廟故知肇興衢
室爰申宗祀之規乃建明堂或廣嚴禋之禮莫不八窓四達分
氣候於炎涼復廟重簷定尊卑於昭穆實爲國之洪訓乃經邦
之茂典我國家睿祖神宗重光累葉道軼羲農之上功侔造化
之初冠今昔而居尊掩寰區而作大朕承撫天運續聖開元披
鳳曆而乘時握龍圖而建極春秋變易每增霜露之心日月推
移倍切蒸嘗之思然而城臨丹鳳清廟文安水空玄龜神基未
立金輿往幸空展望於瑤祠玉輦來巡實幸親於碣石三川帝
里八水皇州豈都邑之相誇而効畿之有謝所以文風奧壤還
開候鴈之庭揆日名區更置馴龍之室巍巍紫座無虧薦鮪之
途弈弈彤宮遂得獻羔之所加以總章霧闕重屋煙披懸曉日
於梅梁掛晴虹於桂棟是以用斯珪璧奠彼牲牢唱孤竹之簫
管奏空桑之琴瑟爰於祔享之日乃至禋宗之辰景色珠常煙

雲冠古或凱風南至縈喜氣而分輝或驟雨東來引祥雲而合響固可以作樂崇德啟薦上帝而碧海遥澄覺三邊之霧卷丹霄上廓看九野之塵清祖宗之靈既昭然宇宙之神心可見虔誠既展盛禮斯行宜覃作解之思以廣奉先之德但赦者小利而大害始泰而終否著小人之幸非君子之幸今歲以來頻敷渥命徒長僥倖逾犯憲章非所以引獎風猷發揮名教深慮無知者因茲獲罪有識者緣此致譏遐思管仲之篇緬想吳漢之說恐負丕構慨然長想昔孔明相蜀王猛佐秦咸以數赦爲言俱稱肆眚非使朕惟新闡政方事澄源期望古而裁規且修今而布澤伏以禮申崇祔情展恭禋式流曠蕩之恩兼明懲勸之道可大赦洛州境內天下諸州見禁囚徒罪應至死者特宜免死配流者入徒餘並原宥京文武三品已上賜爵一級四品已上各加階外文武官九品已上賜勳一轉皇親副王郡王仍特許佩金魚袋內外職事官三品已上及四品清官并中書門下五品官父已亡者並量加追贈如聞天下諸觀皆畫化胡之象諸寺亦畫老君之形一種尊容兩俱不可限制到後十日並除却若有故番者即科違勅罪其化胡經先有明勅禁斷如聞在外仍頗流行自今諸部化胡經事及餘凡說化胡事處宜並除削在外百姓婚娶之家百兩未行二親俄殯停哀之際便即成婚遂輟直經之容敢申花鬻之禮寧戚之心安寄罔極之志闕如敗俗傷風莫過於此自今已後宜即懲革自引道已前經任相三年已上及秦府晉府寮佐四品已上并食實封功臣雖經

罪責不至破家子孫無任京官者特宜優與一官英府周府舊
寮五品已上子孫亦宜准此天下百姓爲父後者各賜爵一級
大酺三日

十一月壬午親謁大廟告謝受尊號之意禮畢大赦天下前後
流人非反逆緣坐者並放還緣張易之徒黨本犯配流者量輕
重與遠官京官文武官及朝集使九品已上加一等三品已上
賜爵一等外官九品已上賜勳一轉安王相國諱鎮太平公主
並加實封通前萬戶天下賜酺三日

二年十月戊戌自東都還十一月乙巳大赦天下從行文武官
九品已下賜勳一轉

三年四月庚寅幸薦福寺曲赦雍州其故吏周府官從至寺者
各賜勳一轉

七月辛丑太子重俊與成王千里舉兵誅武三思癸卯以重俊
等既就誅夷大赦天下成王千里等親黨不在原限

景龍元年九月庚子御大極殿受神龍皇帝尊號禮畢大赦天
下改元景龍文武官三品已上賜勳一轉

二年二月庚寅順天皇后言衣箱中裙上有五色雲起久而方
歇帝令畫工圖其狀以示百僚乃大赦天下內外五品已上官
母妻各加邑號一等

十一月己卯安樂公主降武延秀禮畢大赦天下賜酺三日
三年十一月乙卯親祀南郊禮畢大赦天下繫囚見徒及十惡
咸赦除之親祀流人並放還京文武官及應集考使別勅倍位

官邊州都督刺史諸軍大使副三品已上賜爵一等四品已上
加一階應入三品者三品減四考五品減三考聽入外文武官
賜勲一轉閔內諸州無出今年地租令內官五品已上各舉堪
刺史縣令者天下大酺三日

十二月甲午幸新豐温湯甲辰曲赦新豐縣大辟罪已下
四年二月壬午以金城公主出降吐蕃帝幸始平縣送之壬午
曲赦始平縣大辟罪已下百姓給復一年

少帝温王唐隆元年六月庚子臨淄郡王平章庶人辛丑詔曰
大盜移國朝有賊臣見危授命家多義士朕以凶閔觸緒糜潰
姦豎構扇傾陷宗社潛圖竊發機兆未萌相王第三子臨淄郡
王隆基維合同盟忠勇奮怒志除兇黨保護邦家逆賊韋温馬

泰客葉靜能宗楚客紀處納武延秀趙履温楊均等密行鴆毒
先聖暴終朕志不徒全枕戈泣血風雲互感情計陰通太平公
主男衛尉卿薛崇暕與前同州朝邑縣尉劉幽永摠監鍾紹宗
日夜共謀誓誅逆黨兇徒驚恚投竄無所今天衢交泰氛祲廓
清宜申解作之恩以洽升平之化自唐隆元年六月二十一日
昧爽已前大辟罪已下常赦所不免者咸赦除之其逆賊頭首
咸已斬決自餘支黨一無所問內外官三品已上賜爵一等四
品已下加一階隆基可封平王食實封一千戶賜物五千段崇
暕封立節郡王食實封五百戶賜物三千段鍾紹宗可封銀青
光祿大夫守中書侍郎頻川郡開國公食實封三百戶賜物一
千段前同州朝邑縣尉劉幽永可朝議大夫守中書舍人仍參

知機務中山郡開國男食實封三百戶利人府折衝麻嗣宗可
雲麾將軍行左金吾衛中郎將賜物一千段追貶皇后韋氏為
庶人安樂公主為悖逆庶人

睿宗以唐隆元年六月甲辰即位大赦天下自唐隆元年六月
二十四日辰時已前大辟罪已下咸赦除之內外官三品已上
各加壽一等四品已下各加一階內外職事官五品已上各舉
所知一人諸道征鎮人家令州縣檢校

景雲元年七月七日己巳平皇為皇太子大赦天下制曰天下
公器非上聖無以運其機域中大業非元良無以固其本朕欽
若靈命寅奉神宗屈已順人用安四海承祧主鬯實負萬國傾
者家臻大憫在疚惟憂臯鏡滿朝豺狼塞路武職戎政必任凶

徒國要時權咸弁逆黨社稷之守望絕苞桑忠義之懷誰其艾
棘階禍稔惡伺隙乘間頰言碎辭所不勝述皇太子正氣凝姿
端命毓德自家刑國英徽日湛移孝為忠雄謀電發北宮馳入
掃挽槍於紫衢南宮反止開日月於黃道平辭寧夏翼載朕躬
一旅不勞功逾復禹百神咸舉事邈興周聲應吹銅望惟當璧
命遣司空讀冊侍中授璽寶由立義豈曰尚親承華肇開元副
以建宜申游雷之澤仍紀景雲之瑞可大赦天下改唐隆元年
為景雲元年自七月二十日昧爽已前大辟罪已下咸赦除之
其紀十惡常赦不免者不在赦限內外文武官九品已上子為
父後者賜勲一轉公卿各舉孝友忠正堪任東宮官一人自神
龍已來直諫枉遭非命咸令封植其墓大酺三日

十一月葬中宗於定陵曲赦萬年高陵三原華原富平等縣自景雲元年十一月二十一日昧爽已前大辟罪已下咸赦除之常赦不免不在赦例

二年四月壬寅大赦天下繫囚見徒流移未達前所及已到流所者皆赦之京官四品已下加一階外官賜勲一轉三品已上各賜一爵天下濫度僧尼道士女冠等先經度者並令作舊諸州廢寺觀並依舊名置立

八月乙卯以高祖舊宅有柿樹天授中已經枯死至是重生因而大赦天下謀殺人劫殺人造偽頭首並免死配流嶺南官典取授者特免放

延和元年五月戊寅有事於北郊辛巳大赦天下改大極元年為延和元年五月十二日昧爽已前大辟罪已下咸赦除之其十惡及劉誠之胡大宰徒侶並不在赦限文武官預大禮各賜勲一轉天下大酺五日

先天元年八月甲辰傳位於皇太子帝稱太上皇大赦天下改元先天自先天元年八月七日大辟罪已下咸赦之其常赦不免者不在赦限

二年三月太上皇詔曰恤刑緩獄古之道義務本勸農國之帝典今陽和布氣膏澤順時允厥黎民咸事東作而疲人嬰法自滯園扉言念於此有軫於懷宜從寬宥使營稼穡其京城內見禁囚除死罪以外並特放免營農天下諸州亦宜准此

七月甲子左僕射竇懷貞等與太平公主謀逆事覺伏誅是日

大上皇御承天門樓下誥曰天步時艱王業多難亂常干紀何
代無之我國家累聖膺期重光繼統戎蠻慕義遐邇無虞朕以
寡昧嗣守丕祚嚮明而理暮景忘劬冀宇內之小康庶群生之
遂性又家知禮讓入盡忠良不謂姦究潛謀蕭牆作釁逆賊竇
懷貞蕭至忠岑義薛稷李茲李猷常元楷唐駿唐昕李晉李欽
賈膺福傅孝忠僧惠範等咸以庸微謬承恩幸未申毫髮之効
遂興梟鏡之心共舉北軍突入中禁將欲廢朕及皇帝以行遂
篡逆朕令皇帝率衆討除應時殄盡元惡既戮姦黨畢殲宗社
乂安人神胥悅務申寬大之典宜覃肆宥之恩可大赦天下自
大辟罪已下無輕重咸赦除之其逆人魁首未捉獲及應緣坐
者並不在赦限自餘黨類往還亦無所問布告遐邇咸使聞知

新刊監本冊府元龜卷第八十四

新刊監本冊府元龜卷第八十五

帝王部八十五

赦宥第四

唐玄宗先天元年十月庚子謁太廟禮畢御延喜門下制大赦天下

開元元年三月丁卯御承天門樓下制曰朕承累聖之鴻源荷重光之積慶昔因多難時屬屯遭寶位深墜地之危神器有綴旒之險事啟家國義感人祇吟嘯風雲襲行雷電致君親於堯舜濟黎庶於休和遂以孟秋允升儲貳旋承內禪繼體宸居拜首之儲空動讓王之誠莫展恭臨兆億二載于茲上稟聖謨下凝庶績大荒同軌瀛海無波不謂姦慝潛謀蕭牆竊發逆賊竇懷貞等頃以庸妄擢居台度毫髮之效未申丘山之釁仍積共成梟鏡將肆姦回大上皇聖斷宏通英謀獨運命朕率岐王範薛王業等躬事誅鋤齊斧一麾凶渠盡殪大陽初曜澄氣霽於天衢高風順時厲肅殺於秋序人靈叶贊夷夏相勸四族之慝既清七百之祥方永爰承峻命載闡休期摠軍國之大猷施雲雨之鴻休承乾之道既光被於無垠作解之恩思式覃於品物當與億兆同此惟新可大赦天下大辟罪已下咸赦除之卯王守禮加實封二百戶宋王成器申王成業各加實封一千戶岐王範薛王業各加七百戶文武官三品已上賜爵一級四品已下各加一階內外官人被諸道按察使及御史所道惡狀咸宜洗滌選日依資叙用十二日庚寅大赦天下改元為開元

二年六月甲子制曰朕聞養人者謂之司牧非逸於人上事天者謂之帝王蓋御於天下故作為棟宇以避燥濕居於臺榭以順高明斯乃奉時令布朝政也朕以不德祗膺睿圖寶十家之產愛兆人之力未嘗興工於土木役思於池籩冀之休艾以致雍熙自律應長羸時方大暑溽雲屢起溫風且至伏以太上皇宴居保衛滌慮消閑迹不往於其泉心每期於汾水朕侍於左右以奉晨夕助玄默之化則虧於聽理當炎蒸之序又清以囂煩惕焉載懷敢忘順色然大明創兆先聖所營即舊不如因時而往千門萬戶外雖隔於別宮一日三朝中自連於復道下所以寧問安之懇上所以資習靜之娛實獲我心俾康政理古有服珍裘者則念人之寒居下屋者則念人之熱况此歲阻饑甫田不稔或愚人陷罪園土稱寃凡厥庶僚將何以恤兩京及諸州縣令長官親理寃獄除犯名教及官典犯贓并緣妖偽以外餘罪徒已下咸宜放免其有茂才異等拔萃超群緣無紹介久不聞達者咸令自舉朕當親問其應宣撫使名間舉人試第四等須准舊例別加優獎見任人各量與改轉前資常選人至冬依選例處分其未出身者兼受散官先天以來軍將押衙官等在陣戰亡者令本軍勘責奏聞其說災祥誑惑問里並令州縣長官嚴加提訪仍令御史金吾訪察繩糾有能直言極諫補朕之闕者各封狀進朕將親覽如有可採當加獎擢其皇親諸親及東宮丞優任負外檢校試等官近傳令至冬處分者有家道貧迫情願外任亦令所司勘量責才注擬其緣坐流人處置有

輕重不類者令所司勘會奏聞
三年正月丁酉用郅王嗣謙為皇太子因下詔見禁囚徒死罪者免死徒流已下罪悉原宥之

二月辛酉制曰青春式序陽和布氣萬物熙熙莫不遂其性而嘉其生也申念愚人干我王度日陷坑穽寘之網羅朕代天理物為人父母眷言囚繫良增隱惻豈憲章之尚密將教導之不

明歟順時行令仰惟常典而忘及天下見禁囚除犯逆惡造偽以外宜決一百流配嶺南及磧石諸州其餘一切放免

五月丁未命宰臣親行京城諸獄省察囚徒下詔曰惟刑恤哉古之道也朕撫臨四海茂育兆人思致淳風登之壽域期畫冠而不犯故開羅而在宥念茲下愚自祇常法時屬盛夏天其養生在物最靈惟人為貴朕處臺榭猶有鬱蒸之毒彼居囹圄能無憮怛之憂故令宰臣備加茶察省覽所奏用憫于懷爰矜可恕之罪必務為輕之義將布寬惠俾從原減應合書罪者宜遞降一等論

十月癸亥詔巡遊所過之縣見禁囚徒以下咸放免流以上罪具犯狀奏聽進止戊辰大理具囚名奏聞帝覽之以核犯重降一等輕者並釋放下詔曰朕祇膺靈圖嗣守丕業何嘗不馭朽增惕納隍在慮六合之內每勤祇綏五刑之屬尤用劔慎然簡書多窒惕之訟圓扉有幽滯之人淹恤逾時羈縲相對頗異哀矜之義實網恢疎之慙雖刑政之典彼則自貽而在余之責終以多愧其大理禁囚前令詳覆者宜按所犯輕者並放重降一

等仍依令式處分十二月制有司所奏往幸鳳泉所過之縣流
以上囚奏聽進止者凡稱原減頗詳故事罪至死刑寬其大戮
况聽成有法門實無寬屬陽和上春積雪未降天地之於庶物
正亭之而毒之皇王之撫兆人寧以殺而止殺中念重辟惻然
疚懷特布湛思助茲生氣其犯斯刑者宜決一百配流遠惡處
其犯杖配流者宜免杖依前配流已決及流三千里者節級稍
移近處二千五百里以下並配宜徒以殿臣欽若等曰殿
謂自遠而近也
五年二月甲戌行幸至東都大赦天下唯謀反大逆不在赦限
餘並宥之河南府百姓給復一年河南河北遭滂乃蝗虫處無
出今年租武德貞觀以來勲臣子孫無在位者更詳求其後奏
聞有嘉遜迹棲養高不仕者州牧各以名聞

八年九月丙寅制曰五刑之用以禁姦慝三宥之設以矜愚老
朕永康四海憂在兆人俾臻大化爰措庶獄而愚妄之色抵犯
或聞向隅可哀當守吳轆今天地既肅申嚴在命時分其令罪
則無留載懷幽紆思布生德宜崇減死之恩式明宥過之典其
京城內犯人罪等時令按覆其中造偽頭首及謀殺人斷死者
決一百配流嶺南惡處雜斷死者決一頓免死配流遠處流犯
流移者各減一年杖罪以下者並免

九年五月庚午詔曰自昔明王恤人為念朕君臨寓縣于育黎
蒸一物乖宜常切納隍之慮萬方有罪再軫泣辜之責故勸農
務穡國政攸先捨過錄功帝圖惟永况麥風炎序梅律敲辰言
念狴牢情深惻隱

餘年荷累聖之昌圖膺三靈之賤命日慎一日雖休勿休今省
俗觀風肆覲羣后陳詩納賈親問百年雖念勞人事資展禮大
原舊國王業所興乃眷成周西巡豐鎬因惟嗣漢東至沛鄉皆
會彼舊都眷茲枌社况與王始封之地鴻圖創業之初奄有生
靈大造區宇永惟丕構顧慙貽厥且地稱用武戎役是殷宜錫
懷舊之恩以順發生之澤乃大原府境內見禁囚徒除十惡乃
造偽頭首餘並放免預宴官共賜物二千疋父老及吏人等共
賜物一萬疋百姓宜給復一年九等戶給復三年元從家給復
五年其家籍見在終身免徭役侍老年八十已上賜物五段版
授上縣令仍賜緋婦人版授上縣君九十已上賜物七段版授
上州長使仍賜緋婦人版授郡君百歲以上賜物十段版授上

州刺史仍賜紫婦人版授郡夫人孝子順孫義夫節婦表旌門閭終身勿事其有沉淪澤草抱德栖遲及武德功臣子孫并元從子孫才堪文武並委府縣搜揚具以名薦

十一月戊寅親祀南郊大赦天下制曰朕獲主生靈于今一紀聽政中昊每不敢康觀書一夜將永諸道而頃年以來為念思至或遠人不率或嗣歲不登淳朴未還惕勵斯在為人上而慙德奉天明以畏威故祝史正詞必期於陳信效立備禮將俟於十年今宗廟降靈克開厥後乾坤交泰保合大和麟鳳龜龍玄符黃瑞之祉蠻夷戎狄梯山航海之賾雖不日月以聞道路相屬顧惟不德當茲休運欽若昭報疇資故實所以今年獻春恭祠后土季春吉日追崇九廟採必先於魯經稽肆類於虞典爰

因長至欽謂上玄告受命之元符昭嚴配之成績大典云備至誠克展諸侯駿奔來於穆之相百神受職率成秩之文六蠻已陳三獻斯畢蓋春秋大事莫先乎祀王者盛禮莫重乎郊而柴燎克終感慶罔極豈于一人之福亦爾萬邦之賴宜因咸和之祭但誠厚下之澤可大赦天下自開元十一年十一月十六日昧爽已前罪無輕重已發覺未發覺已結正未結正繫囚見徒大辟罪已下咸赦除之其十惡死罪造偽頭首劫賊殺財主不在赦例就中仍慮有寃濫者所司具狀送中書門下盡理詳覆奏聞朕將親覽升壇行事官及奉供官三品已上賜爵一級四品已下加一階内外文武官及致仕并前資陪位者賜勳一轉親王公主各與一子官凡諸軍節度大使及三都留守不陪位

委寄既重特宜同升壇官例百歲老人賜帛五段粟五碩縣令
至其家存問給付孝子順孫義夫節婦旌表門閭終身勿事諸
州百姓或有因逢水旱流寓未安者宜令所司與朝集使即作
賑恤安輯法奏聞征行人家州縣檢校勿令侵其鰥寡惻獨州
縣矜恤使得存濟元置義倉求人不足承前代百姓量及種子
未納者並免不須却徵自古聖帝明王忠臣烈女名山大川並
令所管致祭其左貶官非逆人五服內親及犯贓賄名教者所
司勘勸奏聞量移近處其人清白政術堪任刺史縣令及抱
器懷才不求聞達者長官具以名薦宗室中有孝悌才行為衆
所知仍在卑任者委宗正具以奏名君臣一體休戚共焉朕承
天命傳大寶蓋憑累祖遺業得一之符亦羣由公舊勲不二之
力永言繫賴其敢忘之自武德以來實封功臣知政宰輔有身
無大故而忘官失封子孫淪屈者所司堪責具以狀聞存者可
疇其官榮逝者當錄其裔嗣幽明同慶知有今辰亞獻郊王守
禮終獻寧王憲各賜物一千疋侍中原乾曜中書令張說兵部
尚書同中書門下三品王駿各賜物五百疋二王後賜物一百
疋二品三品八十疋四品五品六十疋六品七品四十疋八品
九品三十疋郡王縣主各賜物八十疋天下賜酺三日京城五
日

十三年正月戊子制曰惟刑是恤止殺之深仁寧失不經好生
之大德朕恭膺丕業思濟元元下之陷事上教不至在予之責
何咎于人今履端肇序陽和獻歲思布德澤惠此囹圄將引愷

悌之恩以順發生之氣其天下見禁囚徒死罪宜降至流流已
下罪悉原之都城內委中書門下當日疏決處分京城委番守
制到日處分仍中令丞蔣欽緒往河南大理少卿明珪往閩內
刑部郎中張懣往河東水部郎中崔恂往山南東道右庶子高
仲舒往南江西道職方郎中鄭績之往劔南道秘書丞張履水
往淮南道殿中侍御史孫濟往隴右道贊善大夫張景幽往河
西道右諭德李林甫往山南道主客郎中張烈往江南東道並
即馳驛發遣所至之處疏決囚徒宣慰百姓其有窮乏交不存
濟及侍老行人之家有疾苦者各令州縣量加醫療及賑恤其
嶺南五府磧西四鎮非流配効力等見囚禁徒各委節度使及
本管都督府處令布達遐邇通知朕意焉

十一月壬辰以封禪禮畢御朝觀壇之帳殿朝群臣大赦天下
制曰朕聞天監為后后克奉天既合德以受命亦惟功而復始
厥初作者七十二君道拾迹著時至符出皆用事於介丘并中
於上帝人神之望蓋有以塞之皇王之序可得而言之朕接統
千歲承光五葉惟祖宗之德在人惟天地之靈作主往有內難
幽贊而集大勳間無外虞守成而續舊服未嘗不乾乾終日思
與公卿大夫上下叶心聿求至理以引我列聖其庶乎馨香今
九有大寧群萌樂業時必敬授而不奪物亦順成而無天懋建
皇極幸致大和洎乃幽遐率由感被戎狄不至唯文告而來庭
麟鳳已臻覺悟而在藪以故凡百執事亟言大封顧惟不德初
歆勿議伏以先聖儲祉與天同功荷傳慶以在今敢侑神而無

報大節斯在朕何讓焉遂奉遵高宗之舊憲章乾封之典時邁
東出虔告岱嶽精意上達盱蟹來應信宿行事雲物呈祥登降
之禮斯畢嚴配之誠獲展百神群望莫不懷柔四方諸侯莫不
來慶斯事天下之介福也邦家之耿光也無窮之休祉豈獨在
予非常之惠澤宜其逮下可大赦天下自開元十三年十一月
十日昧爽已前大辟罪已下罪無輕重已發覺未發覺已結正
未結正見繫囚徒咸赦除之唯十惡死罪不在此例流人未達
前所者放還内外文武官三品已上賜爵一等四品已下賜一
階卯王守禮寧王範薛王業各與一子三品官公主嗣王郡主
縣主各與一子官其應行從文武官加階之外並賜勳兩轉孔
子後褒聖侯優與處分天下致仕官各依本品賜一季祿及東
帛諸蕃侯王首來會禮者各加一官其行幸州縣供頓劬勞百
姓並免一年租賦兗州免二年租賦朕永惟王業繫賴舊勳元
首股肱其猶一體自武德已來功臣宰輔或名存王府遺嗣沉
淪或身無大故嚼屈泉壤宜令所司訪擇申理唐元立功官人
往屬艱難能盡忠義今成大禮何日忘之宜各與一子出身朕
躬步天門宿齋日觀時屬嚴令雪後初夜風寒朕因露立祈恩
誓歆代人當咎俯仰之際頃自霜飈奠獻之晨爰同韶景試倚
上天垂佑亦賴靈山吐祥詩云無德不報宜封泰山神為天齊
王禮秩加三公一等宜令所管崇飭祠廟去山十里禁其樵採
給近山二十戶以奉神祠天下賜酺七日

十五年七月己亥降都城繫囚死及流罪各減一等徒罪已下

罪悉免之

八月己巳制曰朕作人父母為天下君豈以崑廊為逸常以億兆為念何嘗不養之如子視之如傷軀彼代俗躋之仁壽使勝殘之道自我王政好生之德洽于人心皆遷善以遠罪亦有耻而且格靡然向風以致刑措今秋典戒令理官議獄愍此愚者猶聞抵冒常字發想興言疚懷宜布惠和之澤用申矜恤之典俾率土之內知朕心焉天下見禁囚犯死罪者特宜免死配流者配邊州効力徒已下罪並放免官人犯贓罪不在此例其未有斷結者各據本犯定刑名准此處分

十六年三月辛丑制曰頃屬初陽肇搜移輦新宮因施惠布德用順時令徒已下罪並責保宮農今詳其刑格亦非重罰已放釋囹圄不可更收宜詳自新特從放免

九月丙午以久雨思宥罪緩刑乃下制曰古之善為邦者重人之命執法之中所以和氣洽嘉生茂今秋京城連雨隔月恐耗其稟粒而害於染盛抑朕之不明何朕之不聞也永惟久雨者陰氣凌陽寃塞不暢之所致也持獄之吏不有資性生於刻薄輕重出於愛憎詩曰此宜無罪汝反收之刺懷法也書曰與其罪殺不辜寧失不經明慎刑也好生之德不務乎兩京及可諸州繫囚應推徒已下罪並宜釋放降死罪及流各一等庶得解吾人之愠結迎上天之福祐布告遐邇通知朕意焉

十七年四月癸亥制天下繫囚死罪減一等餘並宥之十一月丙申謁橋陵以奉先縣為赤縣曲赦縣內大辟罪已下

戊申謁諸陵還大赦天下制曰祀之大者莫尊於嚴享德之至者莫加於孝敬故周廟頌思文之章漢陵躬展事之禮因心斯在敢不肅祇我國家應天受期駿惠丕命繼武宗文德之重熙累洽之盛故以道高系表首冠帝先朕以耿身獲保鴻業往屬多難時逢國逆推戴神宗纂復興運允迪前烈載康兆人此益仗卿士之謀叶人祇之贊豈伊薄德敢承天休露往霜來久積園陵之思秋嘗夏禘聿思孝享之誠乃夏朔辰呈芝祥於大室及秋吉日珎木瑞於神宮對月上靈拜茲嘉貺頃以秋稼未實民役尚勞每事害農豈惟在予有咎之責因親設教恐違先旨恤隱之方今三時已和百禮斯洽崇牙宿設萬舞在庭敬爾臣工駿奔執豆蠲潔為禧明德為馨有來雍雍戴懷怵惕之思至止肅肅如聞歡息之聲降格有終纏感周極瞻予劔而莫及捧鏡奩而鳴咽始自喬嶽終奉梁山紫氣升於壽宮甘露遍於陵樹白兔馴擾瑞草呈祥恭惟昭陵載感王業肆台小子夙奉睿圖及齋戒虔誠率祇祀典聖容昭見靈跡尤彰每四方多虞中國有事雖升龍已遠而躍馬如神及奠配壽宮親問忤躍幽明合慶今古未聞蓋皇天眷於我唐神心昌於後嗣追詐之祉豈獨在予一人錫類之思宜廣覃於四海大赦天下自元開元七年十一月二十二日昧爽已前大辟罪已下罪無輕重已發覺未發覺已結止未結止繫囚見徒常赦所不免者咸赦除之自先天已來有雜犯經移近處流人并配隸磧西瓜州者朕捨其舊惡咸與惟新五宜放還其反逆緣坐長流及城奴量移近

處編附為百姓左降官量移近處官人有亡官失爵齒力未衰者量加收錄天下百姓無出今年地稅之半如已徵納聽折米來逋租懸調在百姓腹內者一切放免孝子順孫義夫節婦旌表門閭終身勿事諸州侍老百歲已上賜帛十段九十已上賜五段八十已上賜三段獻陵昭陵定陵官吏并管陵縣官各別加一階陵戶並放從良終身灑掃陵寢仍每陵側近取百姓六鄉以供寢陵永勿徭役自古帝王賢臣將相陵墓宜令所在州縣致祭内外文武官三品已上加爵一等四品已上各賜一階亞獻皇太子鴻賜物二千疋終獻慶王潭賜物一千疋邠王守禮寧王憲薛王業各賜物八百疋忠王浚祿王洽鄂王滉光王浚等各賜物七百疋中書門下賜物五百疋開府王毛仲賜物三百疋皇親五等已上諸親王府已上及文武百僚各賜物有差自古明王因心以待人由已以施物故休戚共而憂樂同也中書門下丞相尚書開府三少大將軍父並賜三品官九卿三監十衛二門監羽林軍五省長官三府尹大都督長史父各贈四品官五品已上清官父各賜五品官凡所贈官宜兼贈母邑號俾夫羣臣受榮上延父母先帝遺澤下及幽冥具言及此良多感歎君臣一體榮辱是同龍蛇之歌古今作戒其唐元年乙辰立功官三品已上與一子官其四品已下選日優與進改京兆府供頓縣免今年地稅諸道戰亡人家仰州縣存恤不支濟者量事賑給諸軍健兒別勅行人各賜勲兩轉

十八年正月丁巳親迎氣於東郊祀青帝下制曰皇王之化

備載於所陳必順時而行政將奉天而育物考古之要莫不由斯朕自膺寶位欽若上玄萬物叶心庶物簡易齊七政以察璿璣勸兆庶而勤稼穡日慎一日于今二十年矣何嘗不夙夜祇畏憂勞在懷思致黎元以引政理屬猷歲初吉業時布令是用敦本復古將必稽於月令始謀作則先有事於春郊宜因展禮之辰別布惟新之澤其天下見禁囚徒自開元十八年正月五日昧爽已前大辟罪已下罪無輕重已發覺未發覺已結止未結止繫囚見徒常赦所不免者咸赦除之其左降官及流移配隸安罰置鎮効力之類並宜量移近處其官已復資至叙用之時不須為累其流人配隸並一房家口者所犯人情非劫害身已亡歿其家口放還流人及左降官考滿載滿丁憂服滿者亦

准例稍與量移其亡官失爵放還不齒其諸色被停解免與替人等非犯贓者宜令有司勘責量加收叙其衰老疾病者仍與致仕官天下百姓今年地稅并諸徵欠負等色在百姓腹內未納者並一切矜免亞猷大子鴻賜物二十疋終猷寧王猷賜物一千疋文武百官及有司職掌各賜束帛有差率土之內賜脯三日其海內五嶽四瀆及諸鎮名山大川及靈迹並自古帝王得道升仙忠臣義士有祠廟者各令郡縣逐處設祭

十九年四月壬午詔曰法以閑刑以助化因時而用蓋非獲已自朕臨御天下憂勞庶物以至誠感物道莫有孚以致理和人仁或由已豈欲以刑制政期於以化清刑故不用殊絕之誅每施寬大之令而遷善者衆犯法者寬斷欲十數聞諸有司然

猶一夫不獲在子實懷多愧寰宇殷廣京都浩穰繫于微纒或未聽理逮捕斯擾糧饋為勞生業或虧何以卒歲言念於此深用憫然况今長羸在辰耘耨斯切順時立政存乎恤人思引在寬之典庶無留獄之弊其天下囚徒即令踈決其妖訛賊道造偽頭首既深蠹時政湏加懲罰刑名致死者各決量重杖一百長流嶺南自餘支黨被其誑誤矜其至愚量事科罰使示其懲創流已下罪並節級處分今中書門下就大理及府縣詳理八月辛巳帝降誕之日有黃雲三道見於西方制天下死罪配流已下罪原免之

二十年二月壬午制曰刑慶施惠所以奉天時緩刑恤獄所以愛人命今陽和布序草木自榮而或入于罪隸嬰于春膏同被膏育之恩未暢生成之施言念於此深用憫然思引時令以哀黎庶應天下囚徒罪至死者特寬宥配隸嶺南遠惡處其犯十惡及偽造頭首量決一百長流遠惡處流罪罰鎮三年其徒已下罪並宜釋放其有官吏犯贓推未了者仍推取實狀定名記然後准降例處分計贓一疋已上及與百姓怨讐者並不湏令都上其上都委中書門下䟽理京城委番守天下諸州長官當日處理其責保停務之類並宜准此

十月辛卯北巡狩至潞州飛龍宮曲赦潞州給復三年兵募丁防悉放辛丑至北都曲赦大原給復三年

十一年庚午祀后土於睢上是日大赦天下制曰昔者巡狩所至柴瘞所在蓋取誠享以尊告類朕承祖宗之烈獲主神祇之

祀夙夜祗畏不敢荒寧故動兵朔郵先展義於汾社迴旆睢上
遂有事於郊壇王者父事天母事地則漢氏祈穀未始正名周
禮降神乃為徼福而已朕以天命之重子道為先惟茲精誠在
乎致孝庶蒙福於四海期永康於兆人是以率由舊章敬恭明
祀嚴配之誠既展奠獻之禮又終且春秋之義大事在祀齊祭
之福庶品惟祺豈獨在予而有斯慶可大赦天下自開元二十
年十一月二十一日昧爽已前大辟罪已下罪無輕重已發覺
未發覺已結正未結正繫囚見徒常赦不免者咸赦除之官人
犯贓及有罪被推者本罪雖原不得更令却上仙天以來雜犯
流移人并配隸人等各量移及光經量移官資未復本品者奏
聽進止天下遭損免州及供頓州無出今年地稅如已徵納聽
折來年逋租懸調貸量種子欠負官物在百姓腹內者並宜放
免諸州自開元十七年已前所有貸糧種子欠負官物在百姓
腹內者亦宜准此孝子順孫義夫節婦旌表門閭終身勿事諸
州侍老百歲已上賜粟五碩八十已上賜粟三碩亞獻皇太子
鴻賜物二千疋終獻慶王潭賜物一千疋忠王浚已下各賜物
三百疋裴元庭蕭嵩弼亮朕躬行益思遠不有優異何殊等夷
加階賜爵之外各與一子官仍各賜物三百疋二王後及長公
王副王郡主縣主各賜物二百疋行從文武官並節及賜物并
壇三品已上特賜一階應入三品五品官階相當不限考數緣
大禮有職掌官賜勳三轉內外文武官三品已上賜爵一等四
品已下各加一階致仕官賜物有差行從蕃客共賜物五千疋

管壇一鄉百姓給復二年武德初功臣每有大慶必有追遠業
舉運始而義合黨延其子孫沉翳無在朝者宜令勸責即與官
唐元立功官等艱難之際誠效而深言念其功豈忘終始其三
品已上各賜一子官五品已上各賜紫金魚袋有亡歿者優僧
與官仍與一子官兩京番守京兆河南尹四大都督府長史諸
軍節度副大使准行從官例處分諸道戰亡人家仰州縣存恤
不支濟者量事賑給皇親中有文武才堪任使者委宗正具以
名薦當有獎要五嶽四瀆名山大川及自古聖王帝主忠臣輔
相各令致祭務盡誠潔率土之內賜酺三日

二十一年五月戊子以皇太子納妃下制曰禮有謹于初義亦
重其本允在姻媾且猶正於人倫况在元良更將承於宗祀皇

太子鴻儲副是屬任孝自然爰從吉辰式備嘉禮上事下維君
子重之言告言歸朕豈無慰非獨在子之慶宜申與衆之澤因
徒死罪特宜免死配流嶺南遠處流罪降至徒徒已下罪並宜
釋放諸道征行人家及鰥寡惻獨委州縣長官檢校矜放差科
使安其業長安萬年兩縣百姓及今月當番人等並免其家今
年地稼京文武九品已上各賜勳一轉東宮官九品已上及諸
司緣禮會祇供官等更加一轉五禮使兵部尚書兼中書令蕭
嵩特封徐國公禮會使黃門侍郎同中書門下平章事韓休特
與三品妃禮會使少府監馮紹正賜紫金魚袋皇太子舅尚輦
奉御趙迥尊特與三品及五品官前右威衛曹騎趙迥進特與
五品及五品官皇太子侍讀侍書等各加一等階其大子諭德

潘蕭特與五品太子妃兄通事舍人薛愿特與五品及五品官今日應預會官等各節級賜物即宜令取安尉者所以宜其情頒賜者所以將其意公卿百辟庶知朕心

二十二年五月詔曰時向炎蒸人或寃繁豈忘仁恕固須省察其兩京都城見禁囚宜令中書門下及番守檢校覆訖徒已下罪各委所由長官據情狀量決罰便放死罪已下遞降一等有情狀難容合決格杖者決訖准例處分天下諸州委刺史並准此

二十二年正月乙亥親耕籍田大赦天下制曰昔者受命為君軀元立極未有不謹於禮而能見教於人朕且庶乎有慙作者方罔存而可舉舊章絕而復尋自古所行無一而廢將以上乞靈於宗社下蒙福於黎元朕茲精誠天實降鑒今嗣歲初吉農事將起禮先陳於耕籍義緣奉於粢盛是所嚴祇敢不敬事故躬載耒耜親率公卿以先萬姓遂終千畝謂篤本之為爾何布澤之更深宜有順於發生俾無偏於行惠可大赦天下自開元二十三年正月十八日昧爽已前大辟罪已下罪無輕重已發覺未發覺已結正未結正繫囚見徒咸赦除之其犯十惡死罪不在此限自餘死罪並節級降等處分天下諸州貸糧種子並宜放免京兆河南府通縣欠負亦宜放免天下色役及貢賦朱令中書門下均融減省宜速與條奏諸軍行人有父母年老七十已上者放還本貫行人有身死者為造棺槨遞還本鄉兩京城內今年所有諸雜夫役並宜放免農桑是時不得妨奪州縣

官陪加勸課孝子順孫義夫節婦並旌表門閭鰥寡惇獨不能
自存量加優恤天下侍老百歲已上版授上州刺史九十中州
刺史八十上州司馬七十已上所由仍量及酒肉各令存問亞
獻皇太子鴻賜物二千疋終獻慶王潭賜一千疋邠王守禮等
各賜物一千疋忠王浚已下各賜物三百疋汝陽郡王淳已下
各賜物二百疋裴耀卿張九齡李林甫自其翊贊誠有忠益頒
賞以序等數須優各與一子官賜物三百疋二王後賜物一百
疋長公主各與一子官仍各賜物二百疋嗣王郡王郡主縣主
各賜物一百五十疋京文武官九品已上三都番守諸道採訪
使及節度使賜物有差管籍田縣令更賜物六十疋京文武官
及朝集使諸道節度採訪使新除五品已上官未赴任畿縣令
見在陪位者三品已上賜爵一級四品已下加一階皇親并內
外文武官九品已上各賜勳一轉蕃客應陪位者並賜物五千
疋近壇百姓各免今年雜差科宗廟致享務在豐潔禮經沿革
必本人情違豆之薦或未能備物服制之紀或有所未通宜令
禮官學士詳議具奏朕自臨天下二紀于茲不敢荒寧日加兢
業而災眚未弭黎人未康若有由而然則在予之責有能直言
極諫者具以狀聞每謁賢良無忘監寐頃雖虛佇未副傍求其
或才有王霸之畧學究天人之際智勇堪將帥之選政能當牧
宰之舉者五品已上清官及軍將都督刺史各舉一人孝悌力
田鄉閭推挹者本州史長官各一名聞致仕官文歷清資始終
著稱年漸衰邁情有可矜量與改職依前致仕宗子中有孝行

著聞此尚沉屈者委宗正卿責勸奏聞唐元兩營立功官量與進改亡官失爵量加收叙五嶽四瀆名山大川及自古聖帝明王忠臣良相並令所在官長以禮致祭都城之內賜酺三日二十四年四月丁丑勅曰朕每思致本先教後刑而難遷之徒抵罪猶衆幽繫囹圄綿歷歲時令漸向鬱蒸豈忘惻隱仍慮特法者不謹得罪者有免若無省察何云哀矜天下見禁囚犯十惡死罪及偽造頭首劫殺人先決六十長流嶺南遠惡處自外死罪先決一頓並流嶺南流罪情狀重者決六十輕者決一頓決訖並放徒已下並放其有隱沒詐請官物及盜仍責保立限徵賦准節度處分其官人犯贓合解免仍勿令重上都城內宜令中書門下京城委番守外州委本州長官即踈決處分

十月發東都還京甲子至陝州勅曰朕永懷西土陵寢在焉至自東都誠慰罔極兼茲巡省且無怨思僕子之望多謝哲王飲至之規豈忘前典其供頓州應緣夫役差科並免今年地稅行從飛騎萬騎三衛引駕監門各賜物五段兵擴掌閑及諸色當蕃人各賜物三段緣路供頓刺史縣令及專知官各賜一中上考行從有職掌武官賜勳一轉京兆及岐同華三州畿輔之間百役所出至於征鎮又陪餘州其今年租並依本州納其腳縱已支入京亦令所司計折酬還兩京城內及京兆府諸縣囚徒及逆緣坐及十惡故殺人造偽頭首死罪特宜免罪長流嶺南遠惡處其餘雜犯死罪配力效力五年流罪並放官人犯贓量貶罪降緣近頓所損麥苗宜令州縣即檢括量酬價值畿內侍

老九十已上量賜酒麵鰥寡惇獨及征行之家宜令州縣長官親自存問如有疾患重及藥醫使近甸之內咸有賴焉

二十六年正月丁丑親迎氣於東郊祀青帝下制曰皇王之化載籍所陳將奉天而育物必順時而行政雖禮則文著而親嗣蓋闕朕自膺寶歷且踰二紀承宗社之降祉賴公卿之叶心萬物阜成庶物簡易思以黎猷臻夫仁壽是用敦本復古將必稽於月令謀始作則先有事於春郊宜因展禮之辰式布惟新之澤其天下見禁囚應犯罪者特宜免死配流嶺南已下罪並放免朕每念黎甍弊於征戍親戚多別離之怨關山有往復之勤何嘗不惻隱於懷寤寐增歎所以別遣召募以實邊軍錫其後賞使令長往令諸軍所召人數向足在於中夏自可罷兵既無

金革之事足保農桑之業自今已後諸軍兵健並宜停遣其見鎮兵並一切放還京畿之內雜役殷繁言念勛勞豈忘優恤頃以櫟陽等縣地多鹹鹵人力不及便至荒廢近者開決皆生稻苗亦既成功豈專其力京兆府界內應雜開稻田並宜散給貧丁及處還百姓以為永業書不云乎不作無益害有益語不云乎奢則不遜儉則固緬懷前古嘗所在心將斷雕以為樸期上行而下效自今已後王公並不得以珍物進獻所可應緣宮室修造務從節儉但蔽風雨勿為華飭至如金玉器物諸色雕鏤朕緣蕃客所要將充宴賞今流俗之間遞相倣倣既損才於無用仍作巧於相矜敗俗傷農莫斯為甚並一切禁斷以絕浮華古者鄉有序黨有塾將以長弘儒教誘進學徒化人成俗率由

於是斯道久廢朕用憫焉宜令天下州縣每一鄉之內別各置學仍擇師資令其教授其諸州鄉貢明經進士每年引見記更令國子監謁先師所司設食學官等為之開講質問疑義且公候之裔皆稟義才學禮聞詩不應失墜宥其僥倖是清化源其於貴胄子孫多有不專經業便與及第深謂不然自今已後宜一依令式考試朕之爵位唯待賢能雖選士命官則有常調而安卑退迹尚慮遺才其內外八品已下官及草澤間有學業精博蔚為儒首文詞雅麗通於政術為衆所推者各委本司本州長官精加搜擇具以聞薦發生之月實在於行仁利物之心莫先於作善先斷捕攬令式有間所由州縣宜嚴加禁止其每年千秋節日仍不得輒有屠宰道釋二門皆為聖教義歸弘濟理在尊崇其天下寺觀有道士女冠僧尼者宜量寺觀大小各度一人簡灼然有經業戒行為鄉閭所推仍先取年高者凡百卿士朕之同德宜勉所職以全時令亞猷忠王璵宜賜物一千疋終猷隸王璵賜物五百疋邠王守禮寧王憲各五百疋慶王琮已下及長公主郡縣主二王後京文武官賜帛各有差天下諸州侍老宜令所由長官量賜酒肉務在優養今朝廷無事天下和平美景良辰百官等任追勝為樂宜即布告中外咸使通知四月乙亥朔治令大常卿常繙讀時令于宣政殿百僚于殿上列坐而聽之勅曰朕仰稽古訓思致人和爰發由衷之旨以行順時之政今孟夏之吉三農在期禮先決于薄刑義必寡于輕繫既聽其令用軫于懷囹圄之間少間於冒法登清之使咸盡

於忠公猶慮吏有煩苛人或寃滯是爽平和之氣殊幸敬授之心其天下見繫囚徒及事發應推身不禁者放即遣使分往諸道量事踈決及宣布時令除犯贓賄名教十惡死罪自餘徒已下特宜放免迴日奏聞務在欽恤以稱朕懷

七月己巳冊皇太子是日大赦天下制曰自昔聖人恭有神器必立儲兩崇其繼明所以尊宗廟而重社稷也朕獲續休運丕承寶歷五聖之業敢不勉勤萬邦之本期諸永固是以式遵彝訓乃釋元良太子璵植性溫恭因心孝友文武之道既著君親之義以弘有命之初咸聞慶躍興言庶士能叶朕心是用擇以吉辰申之冊命思惠率土以暢休期可大赦天下自開元二十六年七月二日昧爽已前大辟罪無輕重已發覺未發覺已結

正未結正繫囚見徒常赦所不免者咸赦除之比年已來十道採訪使通官人惡狀以其微瑕為終身之累豈得永無甄叙許以自新宜令御史臺及刑部大理寺參詳所犯輕重類例聞奏內外文武職任官九品已上各賜勳一轉五品已上子為父後者亦賜勳一轉其忠王府官及侍讀侍書除賜之外五品已上賜爵一級四品已下各加一階仍並改與即轉緣冊命行禮官各賜物有差今月蕃見上飛騎萬騎監直長三衛引駕細伏執扇黃衣長上等各賜勳一轉擴騎番兵各放免一番天下侍老八十已上各賜粟三碩帛三段百歲已上賜粟五碩綿帛五段並加版授至如磧西之人途路遙遠往復勞弊頗異諸軍其中願長主者已別有處分訖年鎮向應滿合放還未到之間稍宜

優假其家內諸色差科並宜放免如有營農不自辦者州縣量
事助借各使存濟京畿近輔百姓所出雖庶物簡省終異於諸
州其百姓等應單貧下戶者特免今年半租率土之內賜酺三
日

新刊監本冊府元龜卷第八十五

新刊冊府元龜卷第八十六

帝王部 八十六

赦宥第五

唐玄宗開元二十七年二月己巳加尊號開元聖文神武皇帝
大赦天下制曰夫執大象建皇極者必籍彛訓而受鴻名所以
應乎天而順乎人也朕嗣守丕業二十七年受命之初既膺名
號尚多祗懼已謂崇高而公卿宗子緇黃耆老披誠瀝懇詣闕
上言僉以為乃聖乃文祖宗大烈恭惟續服必在欽承願以休
名施于薄德抑而不許凡已十年爰迨于今又陳八請上追奉
先之義下稽從衆之言特存至公不可固拒以今日敬休大號
曰開元聖文神武皇帝勉從典訓良增感懼惟新之號既不私

於朕躬非常之澤宜普覃於率土大赦天下自開元二十七年
二月七日昧爽已前大辟罪已下罪無輕重已發覺未發覺已
結正未結正繫囚見徒常赦所不免者咸赦除之自開元已來
諸色應負痕累人等咸從洗滌令許自新所司更不須以此為
累其有別勅停官及亡官失爵者失放不齒之類量加收陞左
降官及諸色流人並稍移近處朕每於黎昨常恐失所求其量
困乏在及時比來諸州或有傷損處所請賑給例逼春農比及
奏報又淹時月既無赦於懸絕亦何威於惠養自今已後每
年至秋收後即宜遣使分道宣慰仍與採訪使及州縣相知巡
檢百姓間或有乏絕不自支濟者應須蠲放及賑給使量事處
置訖奏聞天下百姓宜放今年地稅古者三載考績黜幽陟明
允叶大猷以勸天下諸道所通善狀但優仕進之輩與為選調
之資責實存名或乖古義自今日已後諸道使更不須通善狀
每至三年朕當自擇使臣觀察風俗有清白政理著聞者當別
擇用宗廟致敬必先於如在神人所依無取於非族深惟至理
用功因心其應緣大廟五享於宗子及嗣郡王中揀擇有德望
者令攝三公行事其異姓官吏不須令攝其草澤中有殊才異
行文堪經國為衆所知不求聞達者所由州長官以禮徵送追
大子璵男及慶王琮已下男宜並封授官邠王守禮寧王憲各
與一子三品官及内外文武官三品已上賜爵一級四品已下
各加一階長公主及嗣王郡王各與一子官郡主縣主各
放一子出身二王後及諸方蕃客宜各賜物諸致仕官重與進

改依前致仕天下侍老百歲已上版授下州刺史婦人版授郡君賜粟五碩綿帛五段九十已上版授上州司馬婦人版授縣君賜物三碩帛五段八十已上版授縣令婦人版授鄉君賜粟兩碩綿帛兩段京城父老等宜共賜物三千段僧尼等賜物一萬匹天下觀寺每六齋日宜轉讀經典懲惡勸善以闡大教率土之內賜輔五日

二十九年正月庚戌帝夢玄元皇帝告以休期盡真容布告天下制曰道有三寶茲居一焉欽若至言爰茲宥過天下見禁囚徒其十惡罪及造偽頭首并謀殺妖訛宿宵人等特宜免死配嶺南官人犯賊據情狀輕重量事貶降一切放免且夫愛人之義長之育之務在清淨合於簡易至於州縣造籍之年因團官戶皆據資產以為升降其有小葦園廬精緻蓄積多相純訐便被加等朕惟敦本義在勸農欲使野絕遊人國無曠土安可得也自今歲已後且三五年間未湏定戶其間或有家資破散檢覆非虛則不可循舊差科量事與降今者真容應見古所未聞福雖始於家邦慶宜均於士庶其親王公主郡縣主內外文武官等並是賜錢至休徵之辰宜以素飧用申慶樂諸道節度使及將士等亦准此其兩京及諸州父老亦量賜錢同此歡宴其錢以當處官物充伊爾公卿逮乎黎猷宜勉崇玄化共復淳源宣布遐通知朕意

天寶元年正月丁未朔御勤政樓受朝賀大赦天下制曰古先哲王致理也皆上順天心下稽人事時令贊發生之德靈符協

紀年之稽考彼前載斯為大猷恭惟烈祖玄元皇帝天寶錫慶
象帝之先垂裕後人重光五聖自朕嗣守丕業洎三十年實賴
宗祐降靈昊窮享祐萬方無事六府惟修寰宇晏如庶臻于理
然則乾元在上仁覆為德皇王臨下惠化攸先思弘善貸用廣
慈育尊道寶而建元暢玄風而不宰况屬陽和布氣獻歲發生
宜覃在宥之恩式降惟新之澤可大赦天下改開元三十年為
天寶元年正月一日昧爽已前大辟罪已下罪無輕重已發覺
未發覺已結正未結正繫囚見徒常赦所不免者咸赦除之諸
色左降官並流人未經量移者亦欲量移陽春布和鳥獸孳育
宜禁麝卵以遂生成自今已後每年春天下宜禁弋獵如聞百
姓之內或有人戶高丁多苟為規避父母在乃別籍異居宜令
州縣勘會其一家之中有十丁已上者放兩丁征行賦役五丁
已上放一丁即令同籍共居以敦風教天下侍老八十已上者
宜委州縣官每加存問仍量賜粟帛侍丁者令其養老孝假者
矜其在喪比者王政優容俾申情理而官吏不依令式多雜役
使自今已後不更得然國之急務莫若求才頃者數遣搜揚士
庶尚慮遺逸更宜精訪以副虛懷其前資及白身人中者儒孝
博通及文詞秀逸或有軍謀越衆或武藝絕倫者委所在長官
具以名薦若乃宣我風化實惟方岳必佇其人以膺兵理其京
文武官五品已上清資并即官據資歷日才堪為刺史者各任
封狀自舉但文宜垂訓事必正名而黃越古來以金為飭念者
應五行之數有肅殺之威去金稱黃理或未當其黃鉞宜改為

金鉞副威武之義焉內外文武九品已上各賜勲兩轉前王重
典在乎祭祀祝厲惟新事宜昭告五嶽四瀆名山大川諸靈迹
及自古帝王忠臣義士並令所由州縣致祭

三月丙申合祭天地於南郊制天下囚徒罪無輕重並放免流
人移近處左降官依資叙用身死貶罪者量加追贈文武官三
品已上加一爵四品已下加一階

三載正月丙申朔御含元殿受朝賀下制曰履端正名義取垂
範體元設教在乎變通雖沿革從宜罔不稽古朕續復興運恭
守睿圖常恐至化猶微淳風尚薄未能臻華骨之俗登可封之
人故未明求衣日昃忘食勵精為理思致邕和歷觀載籍求詳
前制而唐虞之際煥乎可述用是欽若舊典以協惟新可改天

寶三年為載今春事將興陽和布澤發號施令之日革故履新
之時宜弘在宥之恩以助生成之化其天下見禁囚徒應雜犯
死罪者宜各降一等自餘一切放免其十惡及造偽妖忘頭首
官吏犯贓并姦盜等害政既深情難容恕在不免限凡諸郡縣
仍令大守縣令勸課農桑其先處分大守縣令在任有增減戶
口成分者所由司量為殿最自今已後大守縣令兼能勾當租
庸每載加數特分者成賜一中上考如三載之內皆成分所司
錄奏超資與處分其丁戶仍須案實不得取虛桂之名使親鄰
代納受其艱弊凡在黎猷實資存恤一失生業則流庸不歸每
軫於懷深可矜愍諸色當番人應送資課者當郡具申尚書省
旬覆如身至上處勿更抑令納資致是徃來辛苦從閏二月至

六月己來其當上人中有單貧老弱者委郡縣長官與所由計會便放營農諸軍征鎮及有尪羸病疾者委節度使速擇放還中外庶寮勉修其職各副朕意宣布遐邇咸使知聞

三月壬申制曰王者法天惠人順時行令是惟舊典用致和平朕臨御萬邦于茲三紀宵衣旰食思弘至化尚恐天下郡縣因圖滯留不即䟽決以傷和氣今三農在時宜助生育庶覃寬宥之澤以協上玄之心其天下見囚徒應合死配流嶺南流已下罪並見徒一切放免其責保在外及追捉未獲者並同見禁例處分其京城內宜令中書門下即分往踈決應合流人便配訖奏聞其東京及北京兼諸郡各委所由長官准此處分即宣示中外咸使知聞

十二月癸丑親祠九宮貴神于東郊禮畢大赦天下制曰九宮嚴祀百代莫修豈日給之不暇將明靈之有待朕當宸君臨握圖纘業每聽政中吳疇咨讜言觀書乙夜以求撫實勵精為理三紀于茲上荷宗廟追祥克開厥後下賴股肱協德以致邕熙而鱗鳳龜龍近遊郊藪蠻夷戎狄遠輸琛貢乘時來之休運恢皇王之遠圖是以圓丘方澤之儀升中告類之禮無典不舉靡神不懷恭惟九宮明祠尚闕載深兢惕用建靈壇爰以元辰親執奠獻協青春發生之慶祈黔庶啓佑之福今至誠式展大禮云備瑞景和風神心如谷無疆之祉豈獨在予非常之澤宜覃率土可大赦天下自天寶三年十二月二十五日昧爽已前大辟罪已下罪無輕重已發覺未發覺已結正未結正繫囚見徒

並赦除之其十惡死罪造偽頭首謀殺攻劫及官犯典賦不在
此限朕深惟善政實在養人作法務從於寬大任事必量於齒
力比者成童之歲即挂輕徭既冠之年便當征役憫其勞苦用
軫于懷自今已後天下百姓宜以十八以上為中男二十三已
上成丁每載庸調八月徵收農功未畢恐難濟辦自今已後迄
至九月三十日為限諸軍行人遠為邊扞修短之分雖有定期
從役而終深軫念其有陣亡及在軍亡歿骸骨尚未還貫者宜
令節度使給其棺櫬遞歸本鄉若家內無人付親收葬仍令
所由郡縣量事優恤使得自辦自古聖王皆以孝理五常之命
百行莫先移於國而則忠事於長而為順永言要道孝行道人
鄉閭欽伏者宜令所由州縣長官具以名薦其有父母見在別
籍異居虧損名教莫斯為甚親歿之後亦不得分折自今已後
如有不孝不恭傷財破產者宜配隸磧西用清風教朕惟熙庶
績博做寬人豈惟振拔罪淹以期於大用亦欲褒崇高尚將敦
於薄俗虛停之懷蓋若於此其有高蹈不仕遁迹丘園為遠近
所知未經薦舉者委所在長官以禮徵送又崇德追遠式閭封
墓用旌前烈以協大猷自古聖帝明王名臣烈士陵墓有頽毀
者宜令管內量事修葺仍名立標記禁其樵採天下侍老百歲
已上賜綿帛五段粟三碩八十已上三段粟兩碩仍令郡縣長
長存問付給亞獻太子璵宜賜物二千疋終獻慶王琮一千疋正
衣夾侍各五百疋親王各三百疋親封建郡王及國公一百疋
賢妃三百疋長公主各三百疋公主各二百疋嗣郡王各一百

足中書門下三品竭心翊載引益實多各與一子官如先已授
官量與一人改轉内外文武三品已上賜爵一級四品已下各
與一階一品賜物七十疋三品已下六十疋五品已下賜物四
十疋六品已上二十段諸道節度使各賜物一百疋三京留守
及二王從各八十疋採訪使各六十疋諸蕃定共賜二千疋其
唐元功臣締構之初竭其欵欵功念舊情所不忘普恩之外更
加一階其身歿者各贈一官皇親五等已上及九廟子孫諸親
三等已上未出身者與一子出身其前資者選日稍優與處分
見任者更勲兩轉應天下賜酺三

六載正月戊子有事於南郊禮畢下制曰昭事昊窮必惟殷祀
蓋順帝則而成政也肅雍清廟必惟嚴享蓋繼先志而為孝也
則累聖之德在人元陽之和在候思所以達明靈之景貺迪皇
王之大猷者矣朕夕惕宵依奉天續業勉思政道惟懷永圖賴
百辟庶官輔予不逮聲朔無車書靡殊加以乾符坤珍日加來
月至感福應之尤盛懼明祠之未殷且資父事天因親設教泐
情以達禮廣敬以推尊時享之誠寧宜異數日舉之饋豈忘事
生是用疇咨故典率循新禮對越上靈聿迨嚴配既而崇牙宿
設明德惟馨敬爾臣工駿奔執豆陟降至止樂編禮成精意上
恊神休下答宜廣維祺之福以覃作解之恩其天下見禁囚徒
除十惡死罪及官典犯贓其餘一切放免自天寶九年以前流
人及配隸效力左降官非反逆緣坐其並量移近處其中有年
蔭衰暮情可哀矜者仍聽致仕朕承大道之訓務好生之德施

令約法以去極刑議罪執文猶存舊目既措而不用亦惡聞其名自今已後斷絞斬刑者宜除削此條仍令法官約近例詳定處分三皇五帝道冠開闢創物垂範功濟生靈繼天之德在墳典而昭著動人之祀於禮文而闕尚永言龜鏡宜示欽崇其三皇宜置一廟五帝亦置一廟即令所司卜擇告地營逮仍以時致祭其廟令大守等檢校諸廟之主禮有尊於合祭同等則裨義亦取於傍通惠宣等天子雖官為立廟以來子孫自祭或時物有闕禮儀不備具言及此良用撫然宜與隱太子及懿德太子列次諸室揀擇一寬處同為一應廟祭事及樂饌等並令官供每差祭官宜依常事仍都置廟官及丞等自餘所廢廟官等並宜減省奠獻既昭感思增遠恭惟陰教以集禎祥自獻祖宣莊皇后張氏已下祖父未有贈官及一房子孫沉繫所司即以名聞將展袞崇以申追慕王業之初群才佐命中興之後元宰協心且配食廟庭必崇勲德循名冊府尚有闕遺緬懷茂功用增禮典自今已後大廟配享功成高祖室宜加裴寂劉文静大宗室加長孫無忌李靖杜如晦高宗室加褚遂良高季輔劉仁軌中宗室加狄仁傑魁元忠王同皎文武之道既惟並用宗敬之儀不可獨闕其鄉貢武舉人上省先令謁大公廟每拜大將及師行魁捷亦宜告獻今朕殘年在邇無事為心顧此朝儀符當至理既時非盱食將至升平而廷設殺刑何成在宥其每日立伏食設杖鍤等並宜停廢立身揚名所以廣孝流根自葉亦在推恩既切因親之心須開議事之制其内外文武五品已上官

父祖無資蔭者其所用蔭宜同子孫用蔭之例五服之紀宜所
及三年之數以報免懷齋斬之殊雖存出母之制顧復之慕
何申孝子之心其出嫁母宜終服三載祭祀之典犧牲所備將
有達於虔誠蓋不資於廣殺况牛之為畜人實有賴既功施播
種亦助彼軍輿此比餘牲牛可務憫但前聖有作難為盡廢明
神克享亦在深仁自今已後每大祭祀應用駢犢宜令所司量
減其數仍永為常式崇我祖訓其惟道門將以福助生靈弘極
天下諸觀道士等如聞人數全少修行多闕其欠少人處宜度
滿七人並取三十已上灼然有道行經業者充仍令所由長官
精加試練採訪使重覆勿使踰濫度訖挾名奏聞其諸觀有絕
無人處亦量度三兩人准比簡試選賢擇能常處不廣三府之
辟則唯採於大名四科之薦蓋不通於小學今承平既久仕進
多端必欲遠賁弓旌載空巖穴片善必錄末技無遺天下諸色
人中通明一藝已上各任薦舉仍委所在郡縣長官精加試練
灼然超絕流輦遠近所推者具名送省仍委尚書及左右丞諸
司委御史中丞更加對試務取名實相副一時奏聞四瀆五嶽
雖差秩序與雲播潤蓋同利物崇號所及錫命宜均其五嶽既
已封王四瀆當升公位遞從加等以答靈心其河瀆宜封靈源
公濟瀆封情源公江瀆封長源公淮瀆封廣源公仍令所司擇
日差使告祭自古聖帝明王忠臣烈士陵墓有頽毀者先令修
葺并禁樵採歲月深久摧壞或多宜令所由郡縣申明前勅處
分並五嶽及諸名山大川並令所在長官致祭諸郡義倉本防

水旱如聞多有費損妄作破除自今已後每郡差一上佐專知除賑給百姓之外更不得輒將雜用天下百姓今載應損郡逋租懸調諸色勾徵變換等物其諸追限者並宜一切放免征行之家每令存恤差科之際或未優矜自今已後並准飛騎例蠲免天下侍老百歲已上賜綿帛五疋粟三碩八十已上綿帛三段粟二碩仍令所在長官存問各即分付亞獻太子與賜物二千疋終獻慶王琮賜物一千疋京文武官各賜物有差天下賜

醕三日

七載五月壬午冊尊號卑御勤政樓大赦天下制曰惟天法道惟后奉天既合德降以符必執象以明本則上玄眷命有以丕承大寶鴻名斯為公義朕續宗社之重揚文武之烈克勤匪懈服道齋心允迪玄獻聿求至理日慎一日三紀于茲屬區夏大寧靈祇既集而公卿宗子耆老法流僉曰玉芝白魚神言瑞景天之應也敦信興禮務本崇儒人之應也化洽而風俗還淳氣和而疵不作天啓道運其可讓焉上答元符願贈徽號披誠詣闕累上封章至請逾勤懇詞難奪以今日敬膺典冊曰開元天寶聖文神武應道皇帝式副人神感懼交集宜廣恩於善貸俾協慶於惟新可大赦天下自天寶七載五月十三日昧爽已前大辟罪已下罪無輕重已發覺未發覺已結正未結正繫囚見徒當赦除之其左降官及流移配隸安鎮罰置效力之類並稍與量移亡官失爵放歸不齒及諸色被聽與替非衰老疾病者宜令所司量加收叙人和年登休運斯屬輕徭省賦惠政攸先

將洽小康必弘厚貸其天下百姓來載租庸並宜放免及諸色
句徵等亦一切放免自古帝王建邦受命必敬先代以循舊章
周備禮文既存三恪之位漢後損益唯立二王之後自茲已降
且復因循將廣繼絕之恩式弘復古之道宜於後魏子孫中簡
擇譜屬灼然相承者一人委所司勘責准鄴公例定為三恪陵
廟所奏典職惟崇事雖更於有司任豈循於常秩其宗正卿宜
與大常卿同品其少卿及丞亦宜准此又上古之君存諸號氏
雖事先書契而道著皇王緬懷厥初寧忘咸秩其三皇已前帝
王宜於京城共置一廟仍與三皇五帝廟相近以時致祭自古
受命之主創業之君皆經濟艱難戡定禍亂雖道往於謝古乃
功施於生人用率典章亦崇禋祀其禮代帝王肇迹之處未有

祠宇者宜令所由郡縣量置一廟以時享祭仍取當時將相德

業可稱者二人配祭仍並圖畫立象先儒有祠宇需享祭者亦

宜准此式閭表墓追賢紀善事有勤於當時義無隔於異代

其忠

臣義士孝婦烈女史籍所載德行彌高者所在亦置一祠宇量

致祭祀古者鄉有塾黨有庠所以尊卑之義正幼長之序明

風化

之道義在於茲先置鄉學務令敦勸如聞郡縣之間不時訓誘

閭巷之內多虧禮節致使言嗣鄙藝少長相陵有黷清猷何成

雅俗自今已後宜令郡縣長官申明條式加切訓道如有禮義

興行及紀綱不立者委採訪使明為褒貶具狀聞奏道教之設

淳化之源必在弘闡以敦化俗項列四經之科將冠九流之道

雖及門求進頗有其人而覩奧窮微罕聞達者豈專精難就為

勸獎未弘天下諸色人中有通道德經及南華等四經任於
所在自舉各委長官考試申送其崇玄生身自今已後每至選
日宜減於常例次為畱放朕每以道元有屬務竭精誠經教所
在豈忘崇奉且宗其道者師其人行其教者尊其礼晋琅邪王
公府舍人楊真人獲軍長史許真人丹陽上計掾許真人皆道
著妙門感通元闕降高真之迹為上清之宗後漢張天師教達
元和德宗太一正一之道幽贊生靈梁中散大夫真日陶先光
高尚塵表博達玄微綜緝真經傳授後學並令有司審定子孫
將有封植以隆真嗣天師冊為大師真曰冊贈大保其洞宮山
各置壇祠宇每處度道士五人並取近三十戶蠲免租稅差科
永供灑掃諸郡有自古得道昇仙之處雖先令醮祭循慮永
周宜每處度道士二人其靈迹殊尤功應遠大者度三人永修
香火其茅山紫陽觀取側近二百戶大平崇元二觀各一百戶
並蠲免租稅差科長充修葺灑掃應天下靈山仙迹並宜禁斷
樵採弋獵如聞山林學道之士每被搜括且法之防邪本有所
以至於宿霄妖訛亡命聚衆誘陷愚人故令禁斷郡縣遂一槩
迫逐使志道者不得安居自今已後審之清潔更不得恐動以
廢修行其五嶽四瀆名山大川各令本郡長官致祭朕刻意真
經虔誠至道冀憑玄枯永錫黔黎每朝禮三清則霄衣忘寢或
齋戒室一則蔬食精專不以勤躬為倦務以徇物為心况於宰殺
尤加惻隱自今已後每月十齋日不得輒有宰殺又閭閻之間
例有私社皆殺生命以資晏集仁者之心有所不忍永宜禁

斷且因親設教式本於人倫自葉流根必建於榮養内外文武
職掌官有五品已上其父母見在無官者宜各授一官仍令致
仕其祖母見在准母例處京官五品已下正員如父母已沒未
有官者宜追贈所司勘會即與處分睦親之義因心不忘前開府
儀同三司竇瑊頃以容納微人頗虧憲典永懷舅氏追感渭
陽宜申國恩再復榮秩可開儀府同三司仍放優閑不須朝會
王澤無私豈殊於中外天瑞有慶頗屬於京輦寬大之恩則以
溥覃施惠之恩特申曲被其京城父老宜各賜物十段七十已
上仍版授本縣令其妻版授縣君六十已上版授本縣丞天下
侍老百歲已上版授下郡太守婦女版授郡君九十已上版授
上郡司馬婦人版授縣君八十已上版授縣令婦人版授鄉君
仍並即量賜酒麵内外見任文武官九品已上宜各賜勳兩轉
其京文武官見在京並致仕並陪位官諸方通表使及月番官
等一品賜物一百疋二品三品八十疋四品五品五十疋六品
七品三十疋八品九品二十疋兩京留守各八十疋其節度採
訪使並諸官充使未回者並同在京例賜物貴妃楊氏稟性柔
和存心忠孝克慎閨靈蹈禮循時加以勤志玄宗協誠舉奉率
勵宮掖以廸關雎宜賜物三千疋嬪御等賜物有差其大真觀
雖已度人住持尚少宜更度道士七人大子璵宜更賜物二千
疋慶王琮已下各賜物有差率土之内賜酺三日
八載閏六月丁卯群臣上尊號帝御舍元殿受冊禮畢大赦天
下制曰自昔皇王受命必降於元符天人協心乃彰於大號朕

續承玄緒虔奉睿圖曷嘗不精意真宗專心庶政幸以方隅底
定風雨時若人和歲稔且洽於邕時極瑞殊祥荐臻于照應故
得玉芝再產秘牒通玄斯至道降休先聖儲祉顧惟菲德曷以
克當是用祗薦崇名永揚洪烈郡公百辟援義此事誠請不已
固辭不復以今日敬膺典禮曰開元天地大寶聖文神武應道
皇帝徽章載寅畏增深宜回稽古之典式布惟新之澤可大
赦天下自天寶八載閏六月五日昧爽已前大辟罪已下罪無
輕重已發覺未發覺已結正未結正繫囚見徒常赦所不免者
咸赦除之朕永惟風教漸冀還淳至於弘貸之名亦思復古其
天下百姓丈夫戶頭者宜各賜爵一級征鎮之役其來久矣雖
存素備諒在變通頃者用兵蓋非獲已今西戎摧殄北虜歸降
南蠻東夷咸來稽顙亦可謂四海無事萬里廓清戍息人思
引善貸其君鎮兵非切要可均減者冥令本鎮節度使與所司
商量處置聞奏其百姓有頗經鎮戍者已後差點之次不在取
限高年既復義存養老因時定式務廣仁恩其天下百姓丈夫
七十五以上婦人七十已上宜各給一人充侍仍自簡擇至八
十已上依常式處分唐虞省刑畫獄不犯秦漢制法密網惟煩
理亂之源得失斯在朕長想淳古務存敦朴刑斯不濫政協無
為豈惟守於升平庶有臻於大道頃者詳諸條目已從推究至
於結斷尚慮深刻所貴從寬示其知禁宜令中書門下與刑部
大理法者審更詳定法律之間有所不便者具條目聞奏禘之
禮以存序位質文之變蓋取隨時國家條本仙宗業承聖祖重

熙累聖既錫無疆之体合享祭神思引不易之典自今已後每
遇禘祫並於大清宫聖祖前設位序正上以明陟配之禮欽若
玄宗下以盡虔恭之誠無違至道比來每緣禘祫則廢廢時雖

享事

適於從宜禮或虧於必備已後每緣禘祫其常烹無廢又奉先
追遠禮惟昭後崇福展敬義在因心自今已後敵祖宣皇帝宣
莊光皇帝光懿皇后忌日宜令京城一日設齋大祖景皇帝景
烈皇后代祖元皇帝元真皇后忌日京城三日行道玄宗妙本
實備微言垂範傳策將弘至化朕所以發求道之使遠令搜訪
因聽政之餘親加尋繹既刊訛謬爰至簡編必在闡揚以敦風
教令內出一切道經宜令崇玄管即善寫分送諸道採訪使令
管內諸郡轉寫其官本便留採訪郡一大觀特誦聖人垂訓蓋
先於道學者宗本必有其師文宣王與聖祖同時俱為教首雖
考言此德理在難明而問理叙經跡彰親授思廣在三之義用
崇得一之尊宜於大微宮聖神前更立文宣王遺像與四真人
列侍左右且道降直符天成有命藏之於密則取固谷山彰之
以類則發祥星洞况靈仙所集宜表殊珍大白山可封為神應
公所由四時祭祀其金星洞改為嘉祥洞所管華陽縣仍置一
祠宇仙人臺上置一觀兩京並十道於一大郡一宜置一觀並
真符正之為各每觀度道士七人脩持香火戶部侍郎兼御史
中丞王鉷以才受委以忠奉上頃命精求玄記克協神心宜旌
廼誠俾正章綬特與三品其李渾等三人既親傳真語因獲元
符當有甄明用旌福應宜令中書門下量其所能具狀聞奏當

別處分又九州之鎮寔著禮經三代之典必崇望秩事既屬於報功義有符於錫命其九州鎮山除八諸嶽外宜並封公仍各置祠宇先已有祠宇者量更增脩諸慶發神當伸昭報宜令所在長官各陳祭禮名山大川亦量事致祭天下老侍並量賜爵一級四品已下加一階其京文武官在京其諸色陪位官通表使等賜帛有差率土之內賜酺三日

十載正月甲子有事於南郊大赦天下制曰皇天眷命必順於五行哲后馭時寔遵於三統考古之道何莫由斯朕欽若上玄嗣守丕業發濬衡以齊政念稼穡以觀人日慎一日四十載于茲矣何嘗不夙夜祗畏憂勞在懷思致黎元臻夫至理幸以刑清俗阜天成地平萬方底寧群物咸遂維懋大化且謂小康此皆至道儲祉宗社敷祐豈予菲薄而克致焉然則上稽曆象旁採與義爰以土位承漢火行是憑大易之辭用紹前王之烈禎祥累及正閏攸分不改舊章惟新景運屬獻歲初吉乘時布和是用展祀崇禋竭誠昭報庶物發生之序載覃雷雨之澤可大赦天下自天寶十載正月十日昧爽已前大辟罪已下罪無輕重已發覺未發覺已結正未結正擊囚見徒常所不免者咸赦除之其左降官及流移配隸安置罰鎮効力之類並稍量移近處其官復資至叙用之日不須為累其流人配隸并一家往者所犯人情非切害身已亡歿其家口放還流人及左降官考滿載滿丁憂服滿者亦准例稍與量移其亡官失爵放還不齒及諸色放停解考免與替人等非犯賊者宜令所司勘會量加收叙其衰老疾病者仍與致仕官天下百姓

今載地租并諸色勾徵欠負等色在百姓腹內未納者並一切放之
且京兆府及三輔三郡百役殷繁人今已後因差防丁屯丁宜令
所由之出別郡禮者所以訓導人俗昭事明祇所宜增脩以會其
本况國之大典在於精禋必資備禮以彰遵奉自今已後設祭南
效薦馘大清薦享太廟其大尉行事前一日所致齋所具羽儀鹵
薄公服引入朕親受祝版乃隨清齋用展誠敬夫子孝奉親極
敬惟愛親歿有思戚露霜之感逾深祭祀以嚴恭蒸嘗之敬如在且
廟者貌也取象在鳥是禮由於情因心則感大廟宜置內官以備嚴
奉仍於廟外久造一院安置庶申罔極之恩無忘事生之禮嶽瀆山
川蘊靈毓粹雲雨之澤利及生人春秋之儀存乎祀典况正其運序
式尊咸秩其五嶽四瀆及諸鎮山宜令諸使分往致祭其名山大川
及諸靈迹並自古帝王及得道昇仙忠臣義士孝婦烈女有祠廟
者各令郡長官隨便致祭其有陵寢有屋宇頽毀者量事修葺應合
禁樵採宜申明四海攸廣百川朝宗德乃靈長道惟善利永言澤潤
義在封崇其四海宜並封王仍差使備禮冊祭每順時行令奉道施
法天心不違靈鑒不遠且去載長至庚子御辰今茲建元辛卯應曆
立春乃標於歲首上已更協於清明此氣叙和調乾坤交泰既正
東方之位咸歸啟運之則詳政貴引通上天符意况法以輔德刑
以閑邪豈在煩苛必資簡易朕永懷致理思致還淳每懷哀矜
之心屢申寬大之詔寔欲人皆知禁化洽無為頃者已令法官毋
刻刑典夫共理親人在於郡守縣令今二千石朝廷精擇咸得其
人縣令委之選司慮未盡善孰若連職同官見其踪跡宜令天下

用所之計
太守各舉堪任縣令一人善惡賞罰必及所舉所司仍明作條例每搜
羅賢俊旌賁丘園猶慮遺跡歲名安卑守位瞻言若此寤寐思
焉其諸邑人中有懷才抱器未經薦舉者委所在長官審訪具名
錄奏禮之王制垂範作程亦既觀德訓人孝敬故天子七廟諸侯五廟
大夫三廟士一廟孝享奉先亦各有辨今三品已上乃許立廟永言
廣敬載感于懷其京官上正四品清望官及四品五品清官並許立私
廟京官五品已上正員清資官階相當並五品已上正員外清官父母已亡
歿無官號者並與追贈又父有封爵合傳授子孫或緣申請違違准式
遂停承襲如有此色自開元已未宜令所司審加勸責灼然合襲者
特宜許襲天下侍老百歲已上賜綿帛五段粟五碩八十已上綿帛
三段粟三碩丈夫七十五已上婦人七十已上綿帛貳段粟兩
碩大清宮道士各賜物三十段倍位道士共賜物五百段並獻
太子賜物二千疋終獻榮王琬賜物一千疋文武百官及有職
掌各賜束帛有差率土之內賜輔三日

十三載二月甲戌御興慶殿受冊尊號為開元天地大寶聖人
神武證道孝德皇帝禮畢御勤政樓大赦天下制曰王者事天
明德地察修身慎行孝德彰矣故風化天下和睦興焉致敬宗
廟五考來格是則禮莫大於嚴享孝莫大於揚名有以通于神
明有以光於四海朕承真之道續聖之業欽若先訓惟德永圖
寶儉寶慈無為而理自南自北有截耒成五教聿興家服仁孝
四靈咸盛物應純誠百郡公卿萬方夷夏儉奉玄貺徵長發於
真源屢薦鴻名願昭彰於至德封章守闕于再于三加以聖祖

錫符玄中啟迪天心垂裕榮光降臨敢不丕承固執冲讓乃展
因心之義以弘推尊之典虔上册禮齋肅思誠入室儼然敢忘
于日出戶而聽庶幾有聞揚美謚於無疆展永懷於罔極且敬
從拜後禮既尊先式副群心以允成義以今日敬膺典冊曰開
元天地大寶聖文神武證道孝德皇帝大號載崇祇若增惧宜
因布和之序式弘在宥之澤可大赦天下自天寶十三載三月
九日昧爽已前大辟罪已下罪無輕重已發覺未發覺已結正
未結正繫囚見徒常赦所不免者咸赦除之官人犯人已贓不
可更令却上後不須為累其左降官並稍量移近處反逆緣坐
流配之色宜與量移其王珙李林甫柴崇耀阿布思等並寄任
非輕包藏特甚原情議法深所難容况日月未淹罪坐尤重即
從寬宥何以懲肅應緣親累流配者並不在該及之限左降官
承前遭憂皆不得離任孝行之道所味引通情理之間深可哀
恤如有此類宜並放歸仍申省計至服滿之日准法處分自今
已後編入嘗式其中有非反逆緣坐及情理切害有父母年老
不任相隨無昆弟養者許停官歸侍及有身已衰老又罹譴責
願停官者委本道採訪使簡擇具名牒中書門下然後放還鰥
寡孀獨之絕者量加賑給三載陟黜百王令典殿最之迹廉問
攸歸欲更別遣使巨慮有煩擾今載宜委本道採訪使具官人
善惡奏聞以申勸沮自臨御已來四十餘年棧樸延想寤寐求
賢林藪無遺旌招不絕猶慮升平已久策業增多至於徵求武遺
僻陋其博通墳典洞曉玄經清白著聞詞藻宏麗軍謀出衆武

藝絕倫者任於所在自舉仍委郡縣長官精加銓擇必取才實相副者奏聞朕尊榮先謚霜露增感子以孝思無忘錫類其內外見任官階俱是三品已上父未有五品官及無官已亡歿者宜各贈五品官及母無邑號者亦與追贈其見任四品五品清官官階俱是五品已上者亡父母先無先號亦准此追贈且厚其風俗五教之旨聿興責于丘園十冀之風斯在其士庶間衆推孝弟異代義居高尚確然隱遁巖穴者委採訪使博訪聞薦其孝義之人已經旌表雍睦無易純至有終著美鄉閭深可嘉尚各賜勲兩轉以彰德行天下侍老百歲已上版授本郡太守婦人版授郡夫人各賜綿帛五段粟三碩八十已上版授本縣令婦人版授縣君各賜綿帛兩段粟二碩大清宮闕聖祖仙居頻降休徵屢貽啟迪不有優異豈表殊常其本宮道士宜各賜物三十段道門儀威王虛貞賜物五十段倍位大德各賜物二十段因心推崇增山美謚惟官統職必在正名今已大常尊事宗廟安可列署為名禮不副尊情期達敬五陵署改為臺其猷陵臺等五令及烝并升一階以彰崇奉五嶽四瀆及名山大川並陵迹之處先賢祠廟各委郡縣長官致祭其有陵墓祠宇頽毀者量事脩葺並獻皇太子與賜物一千段終獻榮王琬賜物五百段其餘各賜階爵有差其郡守縣令職在親人必務分勤以康黎庶凡所推擇皆竭廼誠寵錫之間須甄異等普恩之外太守等並賜爵一級縣令賜勲兩轉庶期免勵以表朕心其京文武官一品賜物一百疋二品八十疋三品七十疋四品五品

五十疋六品七品三十疋八品九品各二十疋北京留守節度
採訪使並京官准勅出使未回者所賜物並同見在例左相陳
希烈純粹之道載穆朝庭文儒之風式瞻師表且協和時令翊
贊升平柔嘉其德克壯元老與一子五品官賜物五百疋攝大
尉真瓚上冊書寶冊讀冊右相楊國忠當朝正色百僚紀綱廉
節遺身三階柱石况發揮孝理潤色鴻猷金玉王庭典禮增緝
不有殊等何用為勸宜與一子三品仍與一子五品官更賜物
五百段左僕射安祿山以真一之心摠文武之任出清北落入
贊南宮既押登歌又揮寶冊與一子官更賜物四百疋攝大尉
張均大清真宮祠及脩儀注等使普恩之外又賜物一百疋武德
功臣及貞觀初宰輔等緬想忠義感會風雲用集大勲肇興王
業其有子孫零落冠冕陵夷無任官宦者宜令所司勘責依資
與一人京官唐元功臣續纂締構錄勞念舊每寘子懷普恩之
外宜放一子出身如已出身賜輔三日

十四載八月辛卯是日天長節上御勤政樓宴郡臣下制曰朕
臨馭萬邦迄今四紀曷嘗不虔誠至道鏡心庶政昊穹孚佑俗
致升平仁壽之域漸登大和之風斯在北歲小有憇元頗非農
稔遂使開倉賑乏空園恤刑廉命蠲徭省賦故得家給人足頃
者農功具而需澤頻阻言念黎猷匪遑底寧是用發於精誠
庶乎昭鑒至誠上達膏雨應期俾夏苗如雲秋獲不日周覽原
野宛同茨梁豈惟有慰朕懷寔亦克符人慶此皆上玄垂貺宗
社降靈豈曰朕躬所能通感屬天長令節盛德在金爰因勸慶

之辰用申雷雨之澤其天下見禁囚徒有犯十惡及謀殺造偽
頭首罪至死者特宜免死配流嶺南遠惡自餘一切釋放故
聖人積不涸之泉王者用無窮之府支討苟足多賦何為天下
百姓今載租庸並宜放免所運糧儲本資國用大倉今既餘美
江淮轉輸艱勞務在從宜何必舊數其來載水運入京宜并亭
如聞天下諸郡逃戶有田宅產業妄被人破除並緣欠負租庸
親鄰貨賣及其歸復無所依投永言此流湏加安緝應復業者
宜並給還緡已代出租庸不在徵倍之限書云咸秩群望詩曰
懷柔百神永惟明徵豈忘昭報今秋稼穡頗勝常年寔賴靈祇
福臻稔歲其五嶽四瀆所在山川及得道昇仙靈迹之處宜委
郡縣長官至秋後各令醮祭務崇嚴潔式展誠享無廣屠宰以
備牲牢其天下侍老宜各賜糧米麥又親人之要令長為重北
雖精選未盡徵求卓魯之才或遺蒲密之化安寄宜令京五品
已上正員文武三品已上正員武官及郎中御史各舉堪任縣
令一人具名申省委有司試擇奏授其有善惡賞罰舉舉主並
同仍作期限一時令集王制下士視上農周政庶士陪祿若衣
食既足則廉耻乃知至知資用靡克或貪求不已敗名冒法寔
此之由輦轂之下尤難取給其在兩京文武九品已上正員既
親於職務可謂勤心自今後每月給俸食雜用防閣庶僕等宜
十分率加二分其同正員官加一分仍求為常式其南衙九品
已上并京兆府畿令等宜共賜物二萬疋左右龍武軍各賜一
千疋其唐元功臣言念勲舊宜異常倫兩軍各賜物二千疋餘

各有差庶生成之澤自葉而流根慶賞之恩猶秉以暢物宜宣
示遐邇知朕意焉

十五載八月庚辰玄宗至蜀郡癸未大赦天下制曰朕以薄德
嗣宇神罟何嘗不乾乾惕勵勤念蒼生至於水旱或憊則禱祠
請罪邊鄙微擾則齋戒思過聿來四紀人亦小康蓋祖宗之靈
卿大夫之助也是以推心將相不凝於物而姦臣兇黨負信背
恩創剝我黎元暴亂我華夏皆朕不明之過其復尤人哉楊國
忠孝歛害時肆諸諸原野安祿山亂常構禍尚逋其斧鉞朕用
巴巡屬訓厲師徒命元子北略朔方諸王分守重鎮合其兵勢以
定中原將盪條煩苛大革前弊恩與億兆約法惟新上以奉宗
廟神祇下以寧華夷蠻貊可大赦天下其天寶十五載八月

一日昧爽已前大辟罪已下常赦所不免者咸赦除之自兵興
已未有破家者一切與雪流人一切放還左降各還舊資內外
文武官節級賜階爵安祿山脅從官有能改過自新背逆歸順
並原其罪優與官賞

新刊監本冊元龜卷第八十六

新刊監本冊府元龜卷第八十七

帝王部

八十七

赦宥

唐肅宗至德元年七月甲子即位於靈武御南門下詔曰朕聞
聖人畏天命帝王奉天時知皇靈眷命不敢違而去之知曆數
有歸不獲已而當之在昔帝王靡不由斯而有天下者也乃者
羯胡亂常京闕失守天未悔禍群兇尚扇聖皇乂獻大位思傳
眇身軍興之初已有成命予恐不德罔敢祇承命群公卿士僉
曰孝莫大於繼德功莫大於中興朕所以理兵朔方將殄寇逆
務以大者本其孝平瀕安兆庶之心敬順群臣之請乃以七月
癸丑朔十二日甲子即皇帝位於靈州崇徽號上尊聖皇曰上

皇天帝所司擇日昭告于上帝朕以薄德謬當重任既展承天之禮宜覃率土之澤可大赦天下改元曰至德大辟罪已下常赦所不免者咸赦除之其逆賊李林甫王鉞楊國忠近親合累者不在免限百姓官吏能率親屬去逆歸順有官者加其優獎斬得逆賊父子不問首從當錫茅土別有褒崇其直言極諫才堪牧宰文詞博達武藝絕倫孝悌力田沉淪草澤委所在長官聞薦詣闕自陳者亦聽東宮官屬既會昌期合承寵命量加改為靈武郡大都督府上縣為望中縣為上官寮等一切便授天下耆壽各賜物五段侍老叛授大守縣令有差各賜物五段諸道百姓委本道採訪使差郡縣存問四方將士各賜馬一疋六品已下賜物十段天下寺觀度七人太守並限三考然後補御史取當任郡縣理任官者然後薦用所有彈奏一依貞觀故事官吏犯枉法贓終身勿齒自古聖帝明王忠臣烈士五獄四瀆名山大川並令所在致祭孝子順孫義夫節婦表旌門閭內外文武官九品已上各賜兩段賜勳兩轉三品已上賜爵一級二月十二日戊午御丹鳳門類下詔曰軒轅有阪泉之戰堯舜有丹水之師湯有葛伯不祀周有獫狁孔熾古之王者奉若天命違道不敢不正干紀不得不誅日者逆胡猖狂敢行稱亂朕嗣守鴻業欽承睿圖枕戈嘗膽撫劍泣血罔不夙夜若涉春冰賴天地疾威社稷憑怒上皇丕烈萬國允懷因時致討為人請朔羗戎之騎微慮蠻貊之人萬里雲昭四方霧合既張我伐咸乃一心蠱茲蜂蠆之餘尚負螳螂之力自京南合戰洛北追奔

百姓摧鋒一戍而定昔夏以有窮之亂念之者四十年漢以新
莽之篡復之者六十日金還周末再氛授廓清風振海而波盪
當破山而石裂區宇重闢日月增輝此皆三靈叶贊累聖垂祉
豈予小子能集大勲頃以先授宮室奉迎鳶駕紫宸初正黃屋
未歸耆老之望則深庭闈之戀猶積所以自天之澤必奉於承
顏作解之恩尚稽於侯命令六龍屆止萬姓昭蕪義本奉親慶
深家室不失舊物與俗惟新宜弘六書之典共嘉平康之福可
大赦天下常赦所不免者咸赦除之其逆人能自投降率眾款
附反逆殺人并獲逆人其以所部群縣軍城降者並加超賞應
與安祿山同謀反支黨及李林甫王鉞楊國忠等一房並不在
免限武德開元乃蜀郡靈武元從功臣有亡歿死王事者並加
優贈各與子孫一人官乘輿辛蜀天步多難人心且搖臣節斯
見太子太師幽國公違見素開府儀同三司內侍監齊國公高
力士開府儀同三司右龍武將軍頓川郡公陳玄禮開府儀
同三司左龍武大將軍田長文開府儀同三司右龍武大將軍
張崇俊右龍武大將軍杜休祥等勇不顧死危能致命或竭誠
羽翼仰北辰而環拱或叶契心誓聚東井以全歸疇茲錫土之
封以永誓河之義見素加開府儀同三司賈封三百戶力士加
實封三百戶玄禮進封蔡國公賈封三百戶張文進封鴈門郡
心崇俊進封南陽郡公休祥進封馮翊郡公各實封二百戶朕
恭行天罰誓兵翔野幸以一旅之衆遂成九有之師言念經綸
豈忘帝搆銀青光祿大夫尚書右僕射裴冕識字冲深體局真

固輪忠佐命肇啟興王加開府儀同三司封翼國公食實封三百戶光祿大夫殿中監同正員判行軍李輔國志除君惡忠誠濟危加開府儀同三司殿中監依前判行君事封成國公實封五百戶銀青光祿大夫宗正卿廉工部侍郎李遵儀切維成勳叅定國加特進封鄭國實封二百戶開府儀同三司廉鴻臚卿同正員中軍都知兵馬使副大使管崇嗣能訓戒律以佐兵權進封鉅鹿郡公實封二百戶中軍都虞侯特進鴻臚卿同正員李鼎加開府儀同三司進封保定公加雲麾將軍右武衛大將軍在羽林軍宿衛內供奉王執加持進大原衛侯乃各實封一百戶自寇賊姦冗王師未振瞻言京國尚聚大陽廣平王俶循學好古今德孝恭士存邦家誓雪讐耻爰鞠其孫元戎啓行可封為楚王食實封二千戶銀青光祿大夫尚書左僕射兼武部尚書中書門下平章事兼靈武都督府長史單于安北副都護特節允翔方節度使六城水運翔方管內採訪處置使子儀才光三桀功格十臣克焯皇威載昌大業加司徒兼尚書左僕射進封代國公食實封二千戶平章事已下並如故開府儀同三司兼鴻臚卿同正翔方左廂兵馬使同節度副使姑藏縣伯僕固懷恩進封豐國公兼實封二千戶開府儀同三司兼右金吾衛大將軍同正仍充四鎮伊錫北庭行軍兵馬使李嗣業履險亡軀破敵之難兼衛尉卿同封號國公食實封二千戶銀青光祿大夫守司徒兼戶部尚書同中書門下平章事御史大夫鴻臚卿大原尹北京留守河東節度副大使薊國公光弼金

德挺生英才聞出干城禦侮坐甲安邊可司空兵部尚書同中書門下平章事進封魏國公食實封八百戶開府儀同三司御史大夫兼工部尚書持節充招討西京并定武威武興兵等軍兼闕內節度河西隴右伊西四鎮行營兵馬使王思禮養銳先鳴畜奇後殿可開府儀同三司行工部尚書兼御史大夫封霍國公實封六百戶光祿大夫太常卿同正兼御史大夫淮南西道節度採訪使頻州太守來瑱可開府儀同三司兼御史大夫封頻國公餘如故特進大僕卿南陽太守兼御史大夫權知襄陽事金鄉縣公魯照蘊是韜畧副茲臨制可開府儀同三司兼御史大夫封祁國公仍各食實封二百戶兼京兆尹特節充京畿在訪計會招召宣慰處置使崖光遠毀家成國致命前第可特進行禮部尚書封鄭國公食封二百戶開府儀同三司李光進慎固封守克猷殊勲封范陽郡公食實封三百戶賢非后不享后非賢罔又社稷之固必在良臣佐相苗晉卿貴不忘君才惟濟代弼成大業保乂王家可特進侍行中封韓國公食實封五百戶憲部尚書同中書門下平章事李鱗蘊德成務含貞軌物發揮帝業潤色皇猷可金紫光祿大夫刑部尚書同中書門下三品封褒國公銀青光祿大夫中書侍郎同中書門下平章事崔員允釐庶績康濟多難一正天下大庇生人可特進行中書令封趙國公食實封五百戶朝散大夫守中書侍郎同中書門下平章事南河節度採訪使賜紫金魚袋張錫謀猷惟允綱紀立程摠茲戎律懿是謀府封南陽縣公餘並如故銀青光祿大

夫太子少師房瑄嘗以經術輔道躬朕如金紫光祿大夫少保
嗣號王臣頃以宗枝居守京邑加光祿大夫御史大夫越國公
且摠兼元戎克寧金蜀可金紫光祿大夫戶部尚書銀青光祿
大夫守文部尚書郇國公違陟特衡流品式叙百王可金紫光
祿大夫吏部尚書銀青光祿大夫守禮部尚書李崑饋運周給
開物成務可光祿大夫行御史大夫兼京兆尹封梁國公大中
大夫吏部侍郎賜紫金魚袋蘓震供億 徒臨事益辨可銀青
光祿大夫行吏部侍郎其赴蜀郡靈武元從官及在路扈從官
三品已上與一子官四品已下與一子出身六品已下量與進
改功臣將仕勲業高者別有處分應見任五品已上當別各與
本階其陣亡人令所在郡縣收骸骨瘞埋具酒食致祭各與追
贈其家給復二載諸郡縣收或隔絕賊境則因於幽殘或犒宴
官軍則獎於賦歛其來載租庸三分放一其天下百姓應諸色
勾徵及欠負官物一切放免宜令中書門下簡使即分道宣慰
所至郡縣審問百姓間利害有須革釐處置者一一聞奏其婉
園苑內有閑廐使摠監各據所管地界耕種所牧草粟以備國
馬其宮女狗豹鷄鷹鷄之類宜即停減屋宇車輿衣服器用並
宜准式珠玉寶鈿平脫金泥織成刺繡之類一切禁斷學官即
宜精選務令講習簡擇即官有堪任大守縣令者委京清資五
品已上及即官御史聞薦其郡官有灼然清白行理尤異百姓
中孝悌力田不求聞達者委採訪使聞奏其有文經邦國學究
天人博學於經史工於詞賦善於著述精於法理軍謀制勝武

藝絕倫並任於所在自舉委郡守銓擇奏聞不限人赦其律令
格式未折中者委中書門下簡擇通明職事官兩三人並法官
兩三人刪定近日所改百官額及郡名官名切一依故事項以
上皇在蜀朕以居岐蜀郡宜改為南京鳳翔改為西京西京為
中京蜀郡改為成都府鳳翔府尹已下官寮並依三京名號吳
山為吳岳其詞享官屬並准五嶽故事天柱山老君廟改為啓
聖宮五品已上清資官及三品已上官上郡大守父見在無官
及官單並與五品官父母先亡歿者贈一人官祖母亡歿亦贈
邑號忠臣事居有死無二烈士徇義雖滅猶存其李燈盧奔顏
果卿袁履謙許遠張述張介然蔣清龐堅等即與追贈訪其子
孫源流厚其官爵家口深加優賞其内外文武官有枉遭逆賊
殺害其身赴朝廷并逃南山谷其父子兄弟伯等倣為賊捕捉
損害及謀翻成人言語洩漏因遭殺戮並堪責奏聞當以追贈
天下侍老百歲已上版授有差並賜緋魚袋大原又遭逼圍給
復三載上黨三度被功給復五載其南陽潁州靈昌睢陽雍丘
等郡縣堅壁多時刀窮方不絕食尚守情亦可矜各給復三年
其好時奉仙兩縣進退禦寇徵求復多各給復三載蜀郡上皇
親幸禹乘父居明年租賦宜依常式起後載給復三載良娣張
氏既望氣知歸亦當熊見節可冊為淑妃進封南陽王桀為趙
王新城王僅為彭王穎川王憫為克王第九男徭封襄王第十
男侶封興王第十一男倪封祀王為十二男侗封定王淑妃已
下所司擇日即行冊命雖知予之明慙於則哲而牧親之義蓋

所隨時特益尊及儀王已下各賜五百疋諸長公主各與一子
官嗣王及郡縣主各與一子六品官皇五等已下下及九廟子
孫及諸等人見在者並與轉改内外文武官三品已下各加一
階應叙三品五品量加減兩考蜀郡鳳翔扈從官九品已上更
賜勲一轉溥天之下賜酺五日

乾元元年二月丁未御明鳳門大赦詔曰古者父有天下傳歸
於子子有天下尊歸於父有國所以既統立身莫若楊親其義
遠矣我太上至道聖皇天帝惟皇降衷敷佑于上允文允武乃
聖乃神道合乎乾坤德明于日月粵若增崇九廟述謁五陵天
子之孝也嚴裡二郊升東中岳聖人之表也制禮作樂闡學明
刑帝皇之業也戡定多難懷柔百蠻霸王之功也於是乎為而
不宰成而勿居神超象外之光心契合莫之境釋負于小子俾
承于丕搆討伐叛逆綏懷四方豈朕所能皆聖皇之訓也頃者
親授寶符載錫美稱顧朕不德以克負荷君父之命若登于天
祖宗之緒恐墜於地一昨與群臣百僚庶引衆士圖惟帝載欽
若聖譽自上古已來百工垂範文明睿哲孝友寬人豈有如我
開元之聖也乃稽大典上徽號曰太上至道聖皇天帝累曰誠
請不蒙許納至於數四今從府從允膺天休克副休皇朕上迫
嚴旨曲被殊松近春之初承奉嘉命聖皇所賜光天文武大聖
孝感皇帝明以制義亦為實賓卑不論尊是昭物則恭惟聖造
何敢當仁頃以洪業載昌有虧公議狀以大聖二字深潛皇猷
讓非飭詞言必形泣承願順色而震矐不廼祇膺寵光乃夕賜

屬今今惟新景命禮洽於尊親誕受徽章敬在於順上發生萬物行慶其時享佑兆人緩刑斯在宜弘霽澤以布陽和可大赦天下改至德三年為乾元元年二月五日已前大辟罪無輕重常赦所不免者咸赦除之其兩京文武官應三司先推勘者本罪中遞減等處分其合放者三司具條件奏聞自開元已來將相大臣非反逆及犯名教枉法贓罪者流死許其家人以禮收塋其陷在賊境為其殺戮未經追贈公主并嗣王郡王郡主縣主及皇五等已上親被逆賊殺害者各與子孫一人官使其瘞藏亡失骸骨者令招魂塋身死者三品已上各與追贈仍各與一子官五品已上一子出身六品已下量事追贈其元從聖皇天帝至成都府文武官五品已上宜與一子官六品已下超資進改聖望至誠都府後到官及靈州寧州首已扈從三品已上與一子官五品已上放一子出身情急迴授固親及親近亦聽六品已下量與改轉鳳翔府以歸順前者普恩外加一階車駕出城後任官潛藏不仕逆賊即與出分唐元功臣普恩外賜爵一級身亡歿者子孫一人加一階其諸道節度下將仕三品已上與一子官五品已上放一子出身六品以下量與改轉勲業高者各委本使奏聞諸道留後將士普恩外賜恩三轉自開元已來宰輔之家不為逆賊所污者與子孫一人官臣賊陷兩京文武常參官及諸州刺史絕脰仰藥不事版人為眾所知者量加優贈有脫身賊庭妻子被屠戮者委所司勘會聞奏其天下孝義門各與一子官委採訪使具名奏聞量文武處分其左降

官非反逆緣坐其反惡逆名教枉法強盜賊如有親年八十已上及疾患在床枕者不堪扶持者更無兄弟許其停官終養其流人亦准此自今已後應有以醫術入仕者同明法列處分其天下百姓今年租庸並放其百司府縣諸色雜供各宜減半其雜徭役非切要者一切並停其天下諸州縣有遭逆賊攻致繁守不下竟以獲金其官人百姓中有識効灼然為衆所知者宜令本道使案驗奏聞據狀迹酬其官賞身亡歿者重加袋贈有父母存者仍與一官及邑號無父母者與妻子仍令州縣以官物賑恤并量造舍宇使得安存其州因城陷被賊殺戮殘毀者委本道使勘責取實各量免其二年租賦自逆賊以來有匹夫匹婦節義可稱者並旌表其閭旅墓其流亡戶復業者委本道使與刺史勾當賑恤並與種子犁牛仍免三年租賦内外文武官三品已上各賜爵一級四品已下及四方通表使各加一階五品已下有父沒者各賜勲兩轉其刺史上佐錄使參軍縣令委中書門下速於諸色人中精加訪擇補擬判司丞以下宜令所由先於兩京潛藏不事逆賊及因託疾病官中簡擇咨考深才堪銓注續發遣皇五等已上親及九廟子孫才有學者委宗正等揀擇聞薦其有任偽官及掌兵馬將軍即能來各還本官仍別優賞其左降官諸色流移配隸安置罰鎮効力之類亡官失爵解退放歸田里及安祿山反賞緣坐不在免限李林甫王鉞楊國忠等一放去年十二月十五日制後所犯並准前制處分四月甲寅親行享廟之禮乙卯御丹鳳丹大赦天下詔曰朕

開皇天有命皇王受之命之君為孝理為本莫不欽崇前烈聿
修禋享之儀對曰上玄式展郊禮之敬英其盛德商頌有奏鼓
之音告厥功成夏稅有錫珪之慶國之大事寔在於斯聞者孽
胡辭常暴殄天物致事圖書禮樂或阻於干戈宗廟神祇有虧
於享祀朕誕受命明龔行天罰群妖克殄討鯨鯢以示威王室
既寧奉鑾輿而載復大上聖皇天帝功格天地道邁胥庭思寧
神於姑射將釋負於宸扆俾於不子續承大統夙夜祇懼府盡
臣子之心親親尊尊庶極於此是用追崇先后建立中宮永言
孝思感徽音於父母俾行婦道相薰降於虞嬪情禮於是獲申
人倫以之攸淑然後執瓚清廟歌五聖之重光燔柴圓丘覩百
神之受職復修祭禮再備樂章尊祖配天不失舊物今大祀斯
舉玄符允答行慶施惠尚屬於陽和出繫挺囚必當於時令思
與天下更布惟新宜覃肆眚之恩以洽雍熙之化可大赦天下
除及逆支黨緣坐謀殺十惡劫盜監臨主長自餘一切原免其
餘逆賊元謀及脅從今但歸投並原其罪仍與官賞其成都府
元從聖皇功臣其靈武元從功臣并收兩京將士京番守諸道
節度採訪使普恩外三品已上賜爵一級六品已上加一階行
人賜勳三轉自寇賊以來官吏百姓有申勞未經酬賔者委所
在長官具收奏聞當與甄錄天下百姓除正租庸外一切不得
別有使役如緣軍務所要自令和市兵士有尪弱羸老並揀擇
放其常安萬年兩縣各賜借錢一萬貫每月叙利以充和雇其
別勅素物及供諸司并蕃客等佐藏雖給價值奏請每引時月

宜先給兩縣各五千貫貯於兩市差官專知旋還價值其州府
縣門夫勲官並於舊額數減一半其庸丁殘疾人等不須更差
其州縣官新上什物並以公解及官人料錢依時價和雇造買
不得分配典正其年支口味宜減一半使諸應進鷹狗豹等
一切並停應緣南郊百司張設有損百姓苗稼者委京兆尹隨
損多少陪酬所損錢物從即聞奏百姓中有能行仁義分濟窮
貧免墾溝壑賴救恤者具名奏聞當寵以官秩鰥寡孤獨篤疾
不能自存及陣亡人家并損免戶州縣隨事優恤賑給百姓中
有事親不孝別疾異才黜汚風俗虧敗名教先決六十配隸磧
西有官品者禁身奏聞京官九品已上許封事極言時政得失
朕將親覽用停嘉謀才有可觀別當甄錄卓澤及卑位之間有
不求聞達未經推薦者一藝已上恐遺俊乂今兵部吏部作徵
召條目奏聞錄事叅軍職司能舉自今已後宜升判司一政以
彰委任國子監學生明經法帖策口試各十並通四已上進士
通三與及第鄉貢明經准常式州縣學士放歸營農侍職年之
後任役常式二王三恪各與一子官内外文武官三品已上賜
爵一級四品已下加一階

十月甲辰上御宣政宣冊殿成王為皇太子詔曰守器為重擇
賢而立萬國由其永貞百王之垂範蓋以重社稷而奉粢盛也
朕纘承鴻緒惟懷永圖丕膺皇極既符域中之大茂建元儲用
崇天下之本皇太子淑植性恭懿因心孝友文武之德克聞於
日躋君親之誠實表於天至性以時屬艱阻義扶宗社故能外

清玄禘內復皇圖由是肇啓承華懋昭嘉緒今撰辰斯及冊命
攸行宜承繼明之慶俾廣游雷之澤可大赦天下頃者頻興大
典累洽殊松率土之間屢經蕩滌猶慮近有冒法或滯狴牢其
天下見禁囚徒已下罪一切放內外文武官三品已下賜爵一
級四品已上各加一階五品已上官字為父後者賜勲兩轉頃
緣國用不足頒賜未周今所鑄親錢數盈於萬其京官文武五
品已上及常參官六軍將士東京北番守及諸道節度將士等
各賜有差其元功臣成都元從及朕元從功臣等普恩之外更
賜一爵四品已下更加兩階其在靈州反寧州至鳳翔者仰所
類司例更遞加一等皇親及親色陪位人各賜勲兩轉其鴻臚
蕃客賜絹一千疋天下義夫節婦孝子順孫旌表明閭終身不
事京官五品已上各舉中正孝友文如周慎填往東宮官者務
取實才不得虛薦今餘寇未殄有脅在賊中未歸順者一切不
以為罪其有受賊節制能以兵降者酬其封爵且為政為要求
賢是急比令中外薦舉多非實才所以詢事考言登科蓋寡猶
慮崑穴之內尚有沉淪宜令所在州縣更加搜擇其懷才抱器
隱遁丘園並以禮徵送如或不赴具名以聞凡與前詔科目相
當一切委內外文武五品已上官有所知者不限人數任各薦
聞如自舉者亦聽於所在投狀有堪任用不限常資其行人家
及羸老單貧鰥寡惇獨已頻有處分宜令州縣長官倍加優恤
應緣冊禮職掌要重者其撰冊書昇寶官禮官等普恩之外賜
勲兩轉其禮儀使持賜一階副使普恩之外賜爵一級勅文有

不該者所司令例奏聞

二年三月壬戌帝遣侍中苗晉卿中書侍郎王與分錄大理寺御史臺京兆府見囚徒已下並階免之

三月丁亥詔曰古之哲王臨御區夏莫不好生慎罰以理人命故易稱緩死書貴恤刑所以樂時布和奉天育物者也朕恭守丕緒祇膺皇極順時調氣庶欽若於玄樞旰食宵衣每憂勤於黃屋頃自獻春之後膏液稍憊言念人時或稽政本雖離畢之應未獲滂沱而滋萌之漸亦頻霑沐是用申滋渥澤助彼發生宜崇寬大之典俾達陽和之氣其天下應合死罪特鋒從流流已下罪放免其緣事反逆造偽頭首情狀難容者所司詳義聞奏其流移左降該息合量移者令所司即類例處分朕為人父

母義當膏育時有或憊於令物有不遂其生敢懷自逸之志寔受在予之責但以克徒尚阻戎旅多虞致使黎庶不堪征徭未息雖國家之事休戚尚同而君父之誠寧無愧惻况春農在候田事方興百姓之間固須憂恤天下州縣應欠租庸課稅傳馬粟貸糧種子采菜變稅及營田少作諸色勿徵納未足者一切放免其正儀等倉及諸色攤徵亦宜准此其至德二載十二月三十日已前和采和市並欠負官物其諸色官錢欠利常平義倉欠負五色一切放免州縣百姓頃屬軍興戶口之間不無流散宜令州縣長官審加勘責且立簿書據見在戶徵課稅其逃亡者別立文案設立招緝年終類例以為褒貶如勘責虛妄所由長官并節級料貶其所由典正等先決六十仍罰効力其百

姓有先逝散即能還者並每季申省給復三年其逝戶有田宅
邸店堪充課稅者宜令所由即與租賃不得因茲妄有欺隱主
到即却令分付比者不急之務尋已詔停如聞所司未全減省
載求人瘼實切朕懷固當革弊息人勵精為理自今已後內外
不得輒別徵求妄為進奉諸色力役造作國軍然要急及諸色
率稅亦一切並停大常寺音聲除禮用雅樂外并教放音聲人
等並仰所司疎理使敦生業非祠祭大祀及宴蕃客更不得輒
有追呼其內作將作少監及諸供司丁匠等各仰長官逐要量
畱餘者並委御史臺專加糾察如有違犯具錄奏彈宣示中外
令知朕意

三年二月丙子詔曰國之用刑兼在於慎恤王者布澤亦貴於
乘時所以大易陳規必議於獄周官設教遵於中興朕恭臨寶
位憂念黎元乾乾之心日慎一日况兵戎未息征役猶繁哀此
下人無忘夕惕如聞州縣之內多有繫囚囹圄之間動淹時序
每軫納惶之慮常懷解網之仁屬陽春布和品彙成達宜覃在
宥之澤俾叶生成之化其天下見禁囚徒死罪降流流已下一
切放免其十惡反逆及偽造頭首強盜劫殺官吏犯贓枉法等
害政既甚在法難容不在此限其諸供司其作造非切要外並
宜減省京畿諸色和采諸切諸聽其天下百姓灼然單貧交不
存者緣租庸先立限長行每卿量降十丁猶恐編戶之中懸罄
者衆陷數既少式未優矜其實不支濟者宜令每鄉量更矜放
侍資產稍成任依常式以天下未寧頻申教令公私庶物優恤

冊府元龜
蓋多載輦宥過之恩庶及措刑之美宜示中外知朕意焉
上元元年閏四月己卯御鳴鳳門詔曰古自哲王恭承景命莫
不執象以御宇時歷以建元必當上稽乾符下立人極者也朕
承累聖之鴻業詔大平之寶位屬胡孽千紀王師當勞乾乾之
心豈忘監寐一物失所每軫納隍之憂萬邦未寧深懷馭朽之
懼賴上玄垂福宗廟降靈百辟卿士同心戮力方冀干戈載戢
區宇乂安每勵躬於帝圖常取則於天地屬天人叶紀景象垂
文爰遵革故之典將契惟新之命義存更始庶有應於天心澤
被無私宜載輦於率土可大赦天下改乾元三年為上元元年
閏四月十九日昧爽已前大辟罪已下已發覺未發覺已結正
未結正見禁囚徒囚無輕重常赦所不免者咸赦除之共與逆
賊元謀及脅從受驅使具法來降并潛藏不出者已類處分但
能歸順捨罪除元惡之外一無所問其吏司明能改圖束手來
款亦當洗其瑕釁議以勲封内外文武官賜爵各有差其六軍
及飛龍閑廐加賜物其成都靈州元從扈從遞加有差在外諸
軍加各錄賞物陣亡將士優加褒贈行人家口所在賑給定禍
亂者必於先武德極生靈者諒在於師貞周武創業克寧區夏
惟師尚父是佐興王况德有可師義當禁暴稽諸古昔爰崇典
禮其大公望可追封為武成王有司依文宣王置廟仍委中書
門下擇古今明軍配享并置亞聖及十哲等享祭之典亦同文
宣自古百王欽慎刑法蓋以法者人之命刑者國之權苟失或
其科條目難措其手足頃或姦臣擅命中典不修造次使行哀

敬何在此自今已後其有犯極法者宜令本司依舊三覆庶平
反之際人謂不寃幽明之問理皆無濫又書稱郡望成秩詩曰
祀事孔明爰自遐代尤崇祭祀朕深惟古義必在至誠苟德之
不修則神亦無據故知精神有感黍稷非馨而况宋景發言固
三徙而可驗漢文深戒為千載之明徵事可遵行理當變革有
司所立秘祝之法或移於歲或移於人君人心寧所忍也自今
已後削去此法其中祀不祀並雜祭祀等一切並停其諸應合
祭祀列於常典所用祭科一依合古制務減省以副朕心又車
服以庸有虞盛典威儀以等周禮舊章往屬承平多歷年所至
於公卿列位中外在官多以奢侈為心流弊成俗宜令所司定
王公以下車服產業各詳古制及令式作節限奏聞自頃戎章
未息殘業猶虞軍吏獻功務陳首級且四海之內孰非王人豈
以敬從昏迷陷在夷戮一朝授首縣彼橐駝朕志在好生憫其
驅脅其諸所軍獲首級除元惡之外一切不得轉送文設官以
理本在安人遷之政務於利物今還羸之內兵革未清加以
時或不登物皆踴貴軍儲是急廬稍靡供冗官之流固甚勞弊
其京闕司官等有才堪釐物者宜命中書門下即類例量資歷
出授外官王者設教授賢以理廣徵崑冗用副薪猶宜令中外
五品已上文武正官員各舉賢才良方正直言直極諫一人武
藝文才堪俱濟理者以任狀舉其或文之詞策武非騎射但權
謀可以集事材力可以臨戎方圓可收亦任通舉並限制到一
日內奏畢自古明王聖帝名山大川並委縣長吏擇日致祭義

夫節婦孝子順孫旌表門閭終身勿事

二年正月甲寅詔曰乘時布澤有國之彛訓議獄緩刑前聖之茂典由是洽其麤卯殷湯弘解網之仁順彼陽和漢后有錄囚之詔育物施惠仰惟舊章朕纘服鴻業祇膺實位何嘗不日旰忘食中夜永衣慮一物之失所憂四方之來乂雖身居黃屋而志在蒼生今寇孽為虞征輸未息猶恐提戈釋耒未有厚於人時宣棘理梧或慮盈於幽囹屬三陽啟候萬物遂生宜覃在宥之澤庶叶惟新之令其天下見禁囚徒死罪降從流流以下並釋放京城宜令中書門下即分府縣御史臺大理寺即親自按問疏決訖具狀聞奏諸州府各委所由長官准此處分諸色流人及在降官等所由類例並與量移仍委中書門下詳覆奏取處分其先緣安祿山偽署三司有名應在流貶者原情議罪負國誠深朕已捨其深死殊竄於流微固當與共棄長為匪人然皆邦家舊臣嘗挂纓冕使其終沒裔土永匿慙魂孰若貸以殊私俾令効節亦准例處分無中書門下量輕重類例奏取處分比緣寇賊之內干戈脅從白刃臨頸胡寧忍決所以陷於兇黨苟免者多前從詔書頻以該及其史思明將士及為署官屬等有束身歸順并率眾未降官爵如初一無所問以城邑降者仍別加封爵餘凶黨之流亦同此例天寶臨照朕無食言王者設教務農為首今土膏將起田事方興敦本勸人寔惟正要宜令天下刺史縣令各於所部親勸農桑百姓有勤中勞耕耘積其菽粟或贍於閭里或能益軍儲委所由長吏具狀奏聞當特與

甄賞仍令有司第其高下量酬五品已下官勲其百司及州縣
興功力役不及之務一切並停諸軍兵健應在行營有羸老疾
病不任見陣者各委節度使速揀擇放還路次州縣量加濟卹
諸色步役各令所司減省放其營農且寇孽未平軍戎當備屯
之庶內征賦猶繁朕所以親帥公卿躬行節儉而詔書屢下蠲
免蓋多國計軍儲取給而已猶欲累加捐抑以惠黔黎冥委中
書門下勾當令度支使與諸供司一切減省應可蠲免每司各
條件聞奏當使施行

九月壬寅詔曰為人上者與衆守邦自守哲王惧其滿假聰明
濬哲罔不在躬文武聖神乃以為弮顧予菲薄運屬絰綸一旅
成師復其舊物聖皇納人壽域遜意道源神器之重薄歸於朕
獲守丕業若履春冰敢忘謙冲日益招損欲垂範而自戒亦去
華而就實其乾元大聖光天文武孝感等尊崇之稱何德以當
之以欽若昊天定時成歲春秋五始義在體元惟以紀年更無
潤色至於漢武飭以浮華非昔日之茂典豈永代而為則三代
受命止翔皆殊宗周之王實得天統陽生元氣之本律首黃鍾
之尊制度可行叶用斯在自今已後朕號唯稱皇帝其年但號
元年去上元之號其以今年十一月為天歲首便建丑建寅每
月所以建為數承天陟后稽古臨人必由革故之源方合大中
之道風行屬縣澤被無涯欽承上帝之心申錫蒼生之慶可大
赦天下自二年九月二十一日昧爽已前大辟罪無輕重已發
覺未發覺已結証未結証見禁囚徒常赦所不免者咸赦除之

其十惡忤逆及造為頭首官典犯贓法實難容不在免限其史朝義若能翻然圖改背逆歸順罪無所問加以勲封自乾元元年以前開元以來應反逆連累赦慮節度限所未該及者並宜釋放有官者降資與官無官者依本色例收叙內外官三品已上賜貶爵一級四品五品各加一階六品已下賜勲兩轉成都府及靈武元從普恩之外三品已下更賜爵一級四品更加一階六品已下更賜勲一轉眷其勤勞俾其焯叙每以田功在謹農事惟勤不有司存何成重穀諸州等各置司田叅軍一人專主農事每縣各置田正二人於當縣揀明閑田種者克務令勸課國之大事郊祀為先貴其至誠不美多品黍稷雖設猶或非馨牲牢雖多未謂能享今以玄元字祐至道為心將臻大和不欲多殺禮樂殊制孝敬同歸圓丘方澤任依常享宗廟時祠但臨時獻熟用懷明德之馨庶合西鄰之祭唐虞之伐肇有九州王者所都文無異制其京兆府河南府大原府三京之號且停其鳳翔先為西京亦宜准此所設陳曹欲聞諷議允副從繩之望須成削膏之書其諫官令每月一封上事指陳時政得失若不舉職事當別有處身分其諸州別加可依舊却置每除京官五品以上正員清望官及郎官御史諸州刺史皆令推薦一兩人以自代仍其錄行能聞奏觀其所舉以行殿最文武官等賜物各有自令已後有隱欺須勾削者宜勾當年若事連去年任滿勾其擡年者不在勾限官典隱贓在腹內不在此限其氏姓雖得之久遠有與俗諱及隱疾同聲者宜改與本族望所

出大姓自逐隱便名出大川名王聖帝所在廟祠各委州縣官
長處誠致祭天下侍老先版授者改與版授未版授者與版授
鰥寡惇獨不能存立者刺史縣令量加賑恤義夫節婦孝子順
孫旌表閭門終身勿事故書有所未及者各令有司速勘會類
例條件聞修

元年建卯月

臣欽若等曰是歲去年踰稱日建事具帝王年踰門

辛亥朔御明鳳門詔曰

唯天為大事之在明惟聖能享臣之在德朕托于人止獲守丕
圖思大道之行去鴻名之節文武徽號存而不稱開統履端建
元叶紀美皆有讓言必可陳虔告玄元致齋清廟恭行舊典展
禮南郊百姓允懷上帝臨我升聞之際其亦何言昭事以誠寔
膺多福高而不遠復見其心乃候發生之時用行罄勸之道賜

谷出日登大明於域中泰山起雲遍膏雨於天下君人臨照德
澤周洽布其寬大豈止於茲宜行肆眚之恩益廣萬邦之慶可
大赦天下自開元建卯月一日昧爽已前大辟罪已下無輕重
已發覺未發覺已結証未結証繫囚見徒常赦所不免者咸赦
除之其反逆造偽頭首謀殺故殺并十惡死罪官吏其典正犯
贓為蠹既深在法難容不在赦限其史朝儀已下脅從將士及
受偽官等棄逆歸事順因事力功封賞之外餘無所問其諸色
流人及在降官等前後頗有處分並與量移所由稽遲動歷年
序宜令有司即申明前後制助節文速勘類例責聞奏其中有
行業夙著情狀可矜又踐朝班曾經任用者委在朝五品已上
清望官及郎官御史於流敗人中素相諳委為眾所推者各以

名薦涇當才實其内外文武官三品已上賜爵一級四品已下
各加階成都府靈武元從功臣三品已上更賜爵一級四品已
下更加一階朕教授人時填微月令庶無極否以獲休徵自今
已後每至四孟月迎氣之日與百辟卿士舉而行之建辰月應
蕃護騎宜三分量番一分其餘即便放歸營農至建巳月任依
常式諸州刺史縣令及司田將軍令設法勸課令其耕種不得
失時貧不支濟戶仍方圓處置事借貸務令存立歲終巡按量
其功效便申賞罰諸道供馱除馬畜供軍之外其餘鷹鷂狗豹
奇禽異獸並不得趣進五都之踞其來自文宜以京兆府為上
都南河府為東都鳳翔府為西江陵府為南都大原府為北都
孝本天經禮崇國典橫於四海漏及三泉其京清資正員文官
五品已上武官三品已上并兩省供奉官御史諸州刺史并諸
道節度已下三品已上父母亡沒未經退贈者並量與追贈文
武不墜道引於人物在搜揚俾其效其諸道入中有詞學高深
兼通政理軍謀制勝明習曰韜鈴者委所在刺史揀選薦京四
品已上員文武官任各舉一人孝子順孫義夫節婦旌表門閭
終身勿事

建辰月壬午詔曰元首之義以人為心外有凋傷內懷慘怛罪
歸於己情見乎辭伯禹深泣辜之仁漢皇下哀痛之詔與理同
道惟刑是恤朕志引覆載運屬艱難思措大刑俾登壽域風以
解愠時當發生國有舊章已懸書於象魏息成在宥宜釋繫於
狴牢其天下見禁囚徒罪無輕重一切放免其官典犯贓惟情

雖難恕持從寬典許以自新並宜納贓放所犯罪左降官等即與量移近處諸色流人及效力罰鎮人等並即放還其有亡官失爵官亦與收叙北來兵革不息年穀未登百姓離流至於困弊戰士暴露頗聞闕乏或有單聚其有違軍令但宜改過自效前事捨而不論艱虞已來多冒刑憲道存善貸屢有德音庶其景靈咸自改勵宣示中外知朕意焉

丁未又詔曰左降收叙官及流人等今日三日已有處分若准例更待本處文解必恐動經歲年息不及時殊牽先意宜令所由計會勘責五品已上及郎官御史具貶申送中書門下六品已下委兵吏部各詳犯狀輕重量才改轉其本犯非巨蠹曾經清班名行夙著者仰具名御聞奏諸色流人等所司檢勘名歷牒所由州縣軍鎮等宜還放流貶人所在身亡者任其親故收以歸葬仍仰州縣量給官襯發遣

寶應元年四月乙丑詔曰上天降寶獻自楚州神明告歷數之符合璧定妖災之氣總集端命祇承鴻休因以体元叶乎五紀其元年宜改為寶應元年建巳月改為四月其餘月並為常數仍舊以正月一日為歲首受茲福應佇以升平因日月之重光布雲雨之漏澤天下見禁囚徒罪無輕重并已發覺未發覺已結証未結証四月十五日昧爽已前一切放免在左降官宜即量移近處流人一切放迴有司使不得輟有類例條件其楚州刺史并出寶州縣官及進寶官量與進改隨進寶官典廉等各量與一子官宣示中外宜加朕意

新刊監本冊府元龜卷第八十七

新刊監本冊府元龜卷第八十八

帝王部

八十八

赦宥第七

唐代宗以寶應元年四月己巳即位五月丁酉帝御丹鳳門樓
下制大赦天下制曰高宗嗣興諒闇成受中之禮康王承統翌
日奉顧命之書况方書尚殷蕭牆有釁蒼生佇立社稷謀安教
雖達於通喪禮有變於金筆順人聽政佞倖從權朕頃從奎與
率彼西夏佐成草昧俾長戎車國步艱難睿圖廣運再清寓縣
崇復宗社稟成命以受律敢貪天以為功聖慈弘深冊踐明兩
奉承庭訓敢有怠違嗚呼不吊昊天歿咎荐至皇祖之哀未釋
閔凶之罰奄鍾攀號罔極若無天地哲終喪紀企止前王百辟

抑予俾恭遺訓俯遂衆望嗣膺丕烈欽茲大寶悞不勝任若蹈
春冰如集喬木曰者先聖哀損朕在閔安而闕墻構炎凌長成
禍聞闡作孽閻寺滔天職為亂階潛置巫蠱將以竊美覆我邦
家賴良弼翊載瓜牙同德天道助順神理害盈此共工之心終
貽管蔡之辱舍彼有罪咸伏其辜廢于離宮實於城頻今天衢
雖蠱率土未康式協公卿之心仰遵易月之命奉時斯在先甲
未孚宜乞人神覃茲漫汙可大赦天下自寶應元年五月十九
日昧爽已前大辟罪已下已發覺未發覺已結証未結証繫囚
見徒常赦所不免者罪無輕重咸赦除之自開元已來所有諸
色犯累者並宜雪免在降官并諸色流人及罰鎮效配軍團人
等一切即放還其中有見任刺史縣令及正員者並依本任其
四月十五日已後諸色流貶者與量移近處逆賊史朝儀已下
有能投降及率衆歸附者當超與封賞天下禁囚不得過五日
所有推劾不得分外拷掠亦不得信友證便結罪名諸色文武
官應在凌宵門內謁見者并飛龍射生等並宜以寶應功臣為
名諸州刺史與一子官刺史縣令入五品減兩考內考文武官
三品以上賜爵一級四品以下各加一階諸州刺史父母在無
官者與致仕官及母益號已亡歿者追贈諸州訪禦使並停天
下子為父歿者各賜勳一轉州縣官自今已後宜令三考一替
太官饗膳等特宜減省有涉奢侈一切宜停天下百姓通租懸
調貸糧種子諸色欠負官物一切放免開元乾元等錢並宜准
一文用不須計以虛數益昌群臣王邈進封鄭王近慶郡王迥

進封韓王故庶人皇后王氏故庶人太子瑛鄂王瑤光王琚宜
並復封弼棖王琰永王鄰及祿應安祿山誑誤人反狀人等並
宜昭雪建昌王追封為齊王崇恩王追封為衛王靈昌王追封
為鄆王其有明於政理博綜典璣文可經邦謀能制勝及孝弟
力田諸州刺史並宜搜揚聞荐投匭者不須堪以停處姓名務
名直言以副朕意

十一月辛巳詔東都河北應受賊脅從署偽官并偽出身悉原
其罪一切不問

廣德元年七月壬子御宣政殿下詔曰惟高祖太宗敷大德於
天下覆載之內湛恩茂育累聖同道用康兆人寶位重光深其
德澤被服漸漬洽于靈百有五十年之間兵不作而將刑措矣
自寇雪橫屬山東不開釁起渠魁毒流區宇三軍七萃之士豪
傑忠良之徒制在風波遭其驅劫由是干戈不息征賊寔煩哀
我人斯並罹災患憫茲有犯無罪萬方朕上載皇天下臨黔首
奉先聖之成命集一切之大勲元惡既誅群生思乂是欲鏡清
六合網決八統庶齊大道大時克復太平之理至化猶鬱兵嚴
初鮮百辟卿士中外近臣並進昌言請上徽號曰寶應元年文
武孝皇帝朕涉道日寡慙德良多恐阻梁推之心自增神器之
重俯應典冊敬受鴻名使欲謁報昊天展事郊廟又以孟秋多
稼垂及西城王畿之內人實勞上輟茲大禮式候玄冬切為踰
年改元之制續承洪業敢廢舊章博採群公之議乃貞協用之
紀其實應二年改為廣德元年爰屬履端乃引肆毒救茲湯火

俾雲行而雨施滌其瑕穢將玉振而金聲宜廣更加之恩用明
響勸之福可大赦天下自廣德元年七月十一日昧爽已前大
辟罪無輕重已發覺未發覺已結証未結証繫囚見徒常赦所
不免者咸赦除之左降官即量移近處亡官失爵各與收叙諸
色流人罰鎮効力安置配隸等一切放還其安祿山史朝義親
族應在諸道一切原免並無問天下所有諸色結取差渾党等
項但能悔過自陳各歸生業一切並捨其罪其中有頭首能勸
率并束手來歸者並加官償仍令本道防禦使并本管刺史縣
令分明曉諭所有到者各具名錄奏諸百姓連租懸調及一切
負欠官物管自寶應元年十二月三十日以前並放免一戶之
中有三丁放一丁應調地稅依舊每畝稅二升天下男子宜二
十五成丁五十五入老應徵稅租刺史縣令據見在戶徵租其
逃亡死罪者不得虛攤隣保河北百姓復三年應是迴訖行營
經歷處免今年租稅内外文武三品已上賜爵一級四品已下
加一階仍各賜勳兩轉天下兵馬元帥雍王智謀夙成忠孝純
至恭行討伐親統元戎撫外蕃以仁訓郡師以義班師獻捷勳
茂武成宜兼尚書令加實封二千戶迴訖可汗冊為頡咄登密
施合俱錄英義建功毗伽可汗可敦冊為婆黑光親麗華毗伽
可敦可汗可敦及左右殺内外宰相已上共加實封二萬戶令
御史大夫王翊持節就衙帳冊左右殺胡祿都督等並封為
王諸部都並封國公河北副元帥懷恩宜兼大保仍與一子二
品官一子四品官更并階更加實封五百戶河南副元帥光弼

與一子三品官并階更加實封三百戶幽州節度使懷仙與一子三品官并階加實封二百戶李抱玉郭英入辛雲京候希逸田神功孫志直白孝德令孤彰並各與一子五品官並加階當實封二百戶李寶薛嵩田承嗣張猷誠等各與一子五品官并階仍加實封二百戶魚朝恩等崇師律程元振勳高佐命各加實封二百戶仍與一子五品官并階僕固瑒高彥崇渾日進李建義李光逸楊崇光李懷光張如岳白元光溫如雅拓跋澄泌高暉盧欽友誠惟良曹楚玉等各與一子五品官加實封一百戶仍各賜鉄券以名藏太廟畫像於凌烟之閣并寇難一來將相勲業高者其圖名籍盡亦准此子儀一子四品官並階實加封二百戶晋卿劉宴裴遵慶元載各與一子四品官並階加實封一百戶儀王及彭王已下男未官者並准舊例與官級封永穆并長樂已下長公主及郡縣主嗣王郡主等各與一子官皇親五等已下諸親三等已上各與一子出身二王身各與一子官諸道節度觀察使力功將士其父兄在無官者依子文武與官已歿者追贈陣亡將士襲父官爵河南河北有懷才抱器安貞守節素在丘園不仕為衆所所委所在長官具名聞薦應授為官等並已昭洗矜才宥過宜有旣收委所由堪本官名御資歷聞奏量才處分文武正員常參官并諸州刺史父母無邑官者宜與致仕官及邑號贈者更與改贈刺史縣令自今已後改轉刺史三年為縣限令四年為限員外及攝試官一切不得釐務諫官每月上封事無所迴避河南河北偽度僧尼道士女與

並官正度天下刑獄須大理正端刑部詳覆不得中書門下便
即處分諸色人中有孝弟力田細書通將文詞雅麗政理優長
本州各以名薦

二年二月戊子御明鳳門下詔大赦天下制曰惟我高祖太宗
之有邦罔不昭事于上帝嚴營寅畏與神合符七聖在天眷命
永固朕嗣守鴻業敢忘奉先尚敬貴誠休修盛典頃以四方多
難責在朕躬六候行師日不暇給東禽羯胡之首西禦文戎之
患元元告病社稷貼危內定外攘不遑展禮雖高未達而精意
惟勤克通至誠以錫純嘏蕃內即戎方失載橐度奉泰壇鑿深
接神祇之顧永懷宗社稷歲時結霜露之恩近又百僻在遠儼
然而進奉請元子以居少陽冊命行乃行七皂攸主按風雨之
情道乘火星之仲春朝於玄元格于藝祖躬執圭奠祇見南效
天何言哉神所勞矣敷兆人之戩穀廣四方之聰明式重燔柴
之經益申解網之惠可大赦天下自廣德二年二月二十一日昧
爽已前大辟罪無輕重已發覺未發覺已結証未結証繫囚
見徒常赦所不免者咸赦除之左降官即與量移近處亡官失
爵放歸不齒之類并官已復資未得本階者各量與收叙諸
色流人及量移人并罰鎮效力配隸等一切放還自甸孽乱常
王官多故干戈不息今已十年軍國務繁閔輔尤劇念茲疲耗
又因徵科其京城諸司諸使廣配擴騎官散官諸色丁匠幕次
供膳音聲人致祭齋即問事常閑司并諸司門僕京兆府騎丁
屯丁及諸色納資人每月統八萬四千五十八人數內宜每月共

支二千九百四十四人令河東關內諸州府配不得偏出京兆府餘八萬一千一百一十四人並停所湏衛役使宜樽節定數官給資錢不得干擾百姓其實應元年十二月三十日已前諸色逋欠在百姓腹內並放免天下戶口宜委刺史縣令據見在實戶量貧富作等第差科不得依舊帳據其虛額攤及隣保其天下諸州府長史及縣令有清白著聞奏朕當差人按善政稱最能結緝逋亡編附復業戶口增多者具狀聞奏朕當差人按覆與所舉狀同者超資進改天下所有諸色結聚及羗渾党項等能悔過自陳各歸生業一切並捨其罪其中有能率先來降者仍特加官賞征人不息勤戍斯久丁壯疲弊老弱困窮文武有言頭鬚為白戢藏鋒刃牧養元元方面重臣宜悉朕意應諸州團練將士

等委本道節度及都防禦使等審與州府商議如地非要害無所防虞其團練人等並放營農休息寇戎已來積有年歲徵求數廣彫弊轉深自今已後除正租稅正及勅并度支符外餘一切不在徵科限内外文武官三品已上賜爵一級四品已下各加一階仍并賜勲兩轉武德元從功臣勲業特戎子孫沈醫者委所司勘責各與一人官成都靈武元從普恩之外三品已上更賜一級四品已下更加一階實應功臣普恩之外三品已上各與一子官子為父沒者賜勲兩轉副元師光弼子儀各與一子三品官并階諸道節度使各與子子五品官并階都防禦使各經畧等使各與一子六品官并階歲去行幸峽州六軍英武威遠威武寶應射生衙前射生左右并步軍等内外文武百官扈

從到行在者三品已上與一子官四品已下各加兩階其自陝
州至上都已來置頓使其州府長長普恩之外各與一子出身
置頓使判官已下緣路縣令及專知買頓官各加一階其六軍
神策寶應射生衛前射生及左右步軍英武遠威武等諸軍左
右金吾將士緣大禮扈從及在城留後者共賜錢五貫萬馮臚
蕃客共賜錢一千貫儀王及彭王已下諸王男未有五者並准
舊例與官其已封為郡王國公者及永穆長樂已下諸親三長
公主及諸郡縣王并嗣王縣王各與一子官皇親五等已上諸親
三等已上各與一子出身二王之後各與一子官臺省之官事資
履歷刺史縣令任在親人職務所更是為理本其左右承侍郎
御史中丞等取曾任刺史者即官亦取曾任縣令者并所選御史
亦宜於錄事參軍縣令中簡擇仍須資歷稍深者其有罪非累
歷才行特堪任用者自布衣以下任所在聞薦委中書門下尚
書省考試堪任者不在此限尚書省政理所繫左右丞綱轄攸
歸此來百司職事皆廢宜令明徵式令各舉所職百官有論將
政得失並任指陳事神具狀進封必宜切直無諱有司白身人
亦宜准此任詣使進表朕將親覽必加擇用朕每思素儉敦
以淳風必約嚴革以齊侈俗其珠玉器玩寶鈿雜繡等一切禁
斷諸攝官頗有處分一切並停尚聞因循其弊未革即宜申明
舊勅動停三為之喪謂之達禮自非金革不可從權其文官自
今已後並許終制一切不得輒有奏請緣大禮應升壇殿行事
者普恩之外更與一子官應在太清宮效廟諸色職掌者及冊

皇太子行事官撰冊並書冊受其檢校造冊官普恩之外三品
已上賜爵一級四品已下加一階仍賜勳一轉天下耆老九十
已上版授刺史七十已上版授上左縣令孝子順孫義夫節婦
旌表門閭終身勿事五嶽四瀆名山大川古今聖帝明王忠臣
義士直令所管致祭

永泰元年正月癸巳朔御含元殿大赦天下制曰協五紀者建
號以體元受四時者希和而順氣天心可見人欲是從爰立是
中之道式受惟新之命朕嗣膺下武獲王多方顧以薄德乘茲
艱運戎麾問罪今已十年欽至策勳雖凶渠之授首勞師黷武
豈仁主之用心况乃軍役屢具干戈靡定茫茫士庶斃於鋒鏑
噫皇穹以朕為子蒼生以朕為父至德不能以被物精誠不能
以動天俾我生靈濟於構怨非朕之咎誰之過歟朕所以馭朽
懸旌坐而待曙勞懷罪已之念追想安人之策亦唯郡公鄉士
百辟庶僚咸聽朕命叶宣乃力務履清白之道還興淳朴之風
率是黎元歸於仁壽君臣一德可以尚茲迺者刑政不脩惠化
未洽既盡才力良多祇犯靜惟哀敬實軫於懷今將大振維綱
益明懲勸肇舉改元之典引敷在宥之澤可大赦天下改廣德
三年為永泰元年自永泰元年正月一日昧爽已前大辟已下
罪無輕重已發覺未發覺已結正未結正繫囚見徒常赦所不
免咸赦除之僕固懷恩戰伐有罪功訐謀人重除不恕臣節輒肆
姦先妄誘異蕃同為不軌朕務惟責已情重舊勳如能翻然來
歸必從寬宥其下徧禪等因被駁率不獲已者所出山谷草竊

反側者未安者如如策手而一切並無所問自廣德元年已前天
下百姓所欠負官物一切免放在官典腹內者不在免其限百
姓除正租庸外不得更別有科率刺史縣令與朕分憂彫瘵之
人切須一無字一夫不獲情甚納隍有能切緝逃亡平均賦稅增
多戶口廣闢田疇清節有文課效尤著者宜委所在節度觀察
具名聞奏即名案覆招資擢授其有理無能政迹涉贓必當
重加貶奪永為殿累農政本也食人天也方春之首重於東作
陣軍具至隱餘一切並停令百姓專農營事其逃戶復業及浮
客情願編附者仰州縣長官吏親就存撫持令賦役全不濟者量
貸種子務令要集孝弟力田懷才抱器遺逸未經薦達者各委
州府聞奏親當策試量能叙用應自立伏軍諸將士等宜共賜
錢五萬貫書稱咸秩詩美懷柔仰惟衆靈念慈多祐其五嶽四
瀆名山大川宜令所管牧宰精誠致祭中外寮官吏各揚其職
無使曠官克副朕意

大歷元年十一月甲子日長至於含元殿下制曰大赦天下制曰
王者欽若昊天誕受丕命莫不協五紀而乘運稽三微而體元上
齊璿璣下立人極乃歲頒歷於惟歲更覃恩於率土朕嗣守鴻
業恭臨寶位頃以時當寇難運屬干戈誓衆具師為人除害實
賴宗社降福褭於小康用興淳朴之風庶合雍熙之化乾坤敷
祐大庇生靈文武協心同力王室豈朕薄德而臻於此乃者金
革所聚繚歷歲時征賦頗繁人猶彫瘵是用疚心疾首當宁而
興懷罪以在予馭朽而貽懼每思引濟之道用極黎元之斃月

纏星昂律中黃鍾合天正之符承日至之永祥雲在曠既當伯
趙之司惠澤布和且順一陽之氣建元發號革故唯新俾及履
長之節用深行慶之典可大赦天下其永泰二年宜改為大歷
元年自大歷元年十一月十二日昧爽已前大辟罪已下已發
覺未發覺已結正未結正繫囚見徒罪無輕重常赦所不免者
咸赦除之長吏犯贓不在免限夫從簡之道大易至言薄賦之
規前王令範朕志遵儉約務欲息人徵歛無期誠為勞斃天下
百姓除正租庸及軍器所須外不承正勅一切不得輒有科率
國以人為本人以農為業頃由師旅征稅殷繁編戶流輒離田
疇荒廢永言收宰政切親人其刺史縣令宜以招輯戶口墾田多
少用為殿最每年終委本道觀察節度等便按覆聞奏如課績
尤異當加超擢或政理無聞必加責貶逃亡失業萍泛無依持
且招撫使安鄉井其逃戶口田宅量丁口充給復業者宜給業
三年如百姓先貨賣田宅盡者宜委州縣取逃死戶口田宅量丁口充給
仍仰縣令親至鄉村安存處置務從樂業以贍資糧王畿之間賦歛尤
重百役供億當甚艱心辛哀我疲人良多憫念蓋徹之稅著自周
經未便於人何必行古其什一稅宜停周徵俊造漢辟賢良垂之
典謨永代作則天下安有安貧樂道孝弟力田未經薦用者委
所在長官具以名聞朕當親自策試量才敘用其力仗將士等宜
賜物五萬匹五嶽四瀆名山大川祀典攸存神理昭著宜以禮
致祭

四年七月癸未詔曰至禮之代先德後刑上歡心以臨下下欣

然而奉上禍亂不作法令何是去聖久遠薄於教化簡書墳委
獄訟繁具苛吏舞文寃人致辟思欲刷恥改行厥路無由豈天
地父母慈愛之意也朕主三靈之衆託群后之上夕惕若勵不
敢荒寧內訪卿士外咨方岳日不暇給八年于茲而大道淳風
鬱而不振四效多壘連歲徭邊師旅在外役費尤廣賦輿轉輸
疲耗吾人困竭無聊窮斯濫矣下殊闇昧不見刑網戎士在軍
未習法令犯禁抵罪其徒寔繁挂牢之間未詳事實吏議不決
動淹時序傷沮和氣屢彰咎徵此階朕之不明教之未至上失其
道而繩下以刑敢不罪已以吞炎青且人者君之支體害之則
君有所傷行者教之輔助失之則人無所措慮有寃濫慘然憂
傷用明慎罰之典俾引在宥之澤其天下見禁囚死罪降徒
則君有所傷行者教之輔助失之則人無所措慮有寃濫慘然
憂傷用明慎罰之典俾引在宥之澤其天下見禁囚死罪降徒
流已下罪釋放其左降官及流入移額等並與量移仍委所司
即勘責送名中書門下奏聽進止如聞州縣官比來率意咨行
麤杖不依格令致使塌斃深可哀傷頗有處分仍聞幸越自今
已後非灼然蠹害者不得輒加非禮仍委觀察節度使嚴加捉
搦勿令有犯錄名聞奏宜示中外宜悉朕意

五年三月丙戌制曰古者以季春之月布德行惠恤刑賑乏朕
親執犧牲玉帛或奉于上帝神祇九年于茲矣剋已思理明不
能燭昆夷未叙王略猶虞歲會三秦之師日有千金之費悉索
弊賦疲於醜軍候甸之間徵求耗竭百穀翔貴閭中小歎窮則

斯濫安能懼刑因而成盜多有犯法至於軍戎之士致使廬賜
不克因之逃亡或祇邦憲事非獲已情亦可察近以露濡之恩
明發有懷屬禁火不之令節方薦鮪於廟寢聖祖敷祐景靈告
祥先天後天載荷嘉貺以陰以雨又助發生固宜順生成之仁
布惟新之命赦罪育物曠然滌除其京兆府及三輔並京城內
諸司諸使見禁囚犯罪死罪已下特宜釋放其有犯未發覺者
罪無輕重一切放免如妄有論告以其罪罪之官典犯贓不在
免限六月己未以彗星始滅赦下制曰惟辟奉天作人父母若
天垂戒於上人不安於下則修德勤政以達至誠恤刑獄之寃
滯問閭閻之疾苦招納諫諍訪求賢良允迪前例率由茲道朕
獲承宗廟之承託於王侯之上夙夜齊慄莫敢荒寧推誠以撫

萬方屈己以安百姓憂勤之至日慎一日服御之給損之又損
而涉道猶淺燭理不明國絃正度多有廢闕加以寇戎驟犯軍
國煩勞賦重人竭困之歲歎田荒業廢逋散相美深林悼頻有
蠲降兼亦簡求良吏以矜於人除去姦克用造出枉大變風俗
更張刑政翼人和之慙洽天青之屢彰固以朕德之寡昧化之衰
薄其咎不遠在予一人亦由郡邑之政未盡條理或貪以害物
或優以傷農有凌弱暴寡之寃有不均失中之政人無所錯多
陷刑辟蓋士之教道未至豈忍以文法繩之慘然憂嗟深自引
慝雖靡草麥秋之後方斷薄刑而南風長養之時宜寡庶獄大
決疏網與之更親其天下見禁囚徒死罪並降從流流已下並
釋放內外文武官及前資官六品已下并草澤中有碩學專門

茂才異等智謀經武諷諫主文者仰所在州府觀察牧宰精求表薦如所申搜揚未盡遺逸林閭者即宜雅闕自舉親當策試量能擢用朕覽漢文詔書至陽和之時草木群生之類皆有以自樂而吾百姓或沾於死亡而莫之省緬然遐想感嘆增懷哀今之人又甚於昔思有贍恤必安其居觀察節度使及刺史各宜訓勵所部使奉科條度貪官之節激循吏之行其清白明著政理殊尤者具以名聞必加獎擢若冒干貨賄紊我紀綱切宜糾案當峻刑憲其官人犯贓經經息免罪者並宜申報中書門下所及司不得容其抑止自王室多故積有歲味時皆我文武之臣中外戮力今天下既定崇德報功與之節符傳代不絕至於蒞述職各宜明慎典刑貽慶子孫永以為戒於戲武德貞觀之間有若魏徵王珪李靖李勣房玄齡杜如晦等扶翼大運動勞王家尊主庇人匪躬致命咸有一德格于皇天緬然長懷風烈猶在其後嗣沉繫特加優獎如廟宇荒毀即宜修葺無德不報何日忘之其有鰥寡孀獨老幼貧窮不能自存者委府州縣長更取諸色官董事賑給仍仰招獲戶口勸課農桑應所在州府有興功後處非灼然急切者並停五嶽四瀆山川大神明所居風王雨是宜委中書門下分使致祭以達精誠孝子順孫義夫節婦事迹名著者特加旌表頒示中外知朕意焉

七年五月乙未制曰濟於道者俗淳而刑措善於理者綱舉而其張弛朕涉道未引燭理多昧常亦遐想太古高揖玄風保合大和在有天下蓋德薄而未臻也是用因時以設教便俗亦立防務蓋平恕用申哀恤又教淺而多犯也加以邊虞未戢井賦猶繁荒瘵之餘冠攘斯起遂令寰土嘉石下積有累囚危章手簡之

日困於法吏屬盛陽之候大暑方蒸永念狴牢何堪鬱灼所以阻傷和氣感致咎徵天道人事豈相遠已如聞天下諸州自春已未或愆時雨嘉種不入粟麥未登哀我矜人何恃不恐皆由朕過益用懼焉惕然憂嗟深自咎責所以減膳別居齋宮禱于明神冀獲嘉應仲夏之月靜事無刑以助晏引以陰養斷薄決小已過於麥秋斷長增高宜順乎天意無大赦天下其大曆七年五月十五日昧爽已前已發覺未發覺已結正未結正應天下見禁囚徒罪無輕重一切並宜放免所由不瀆類例聞宜奏令諸道節度觀察及州牧縣宰等於當管內所有名山靈迹各精誠致祭所降甘露冀獲豐稔永思流斃庶振風猷其已南諸州仍歲水旱迫於凍餒或至流離日有剽劫永為全性命俱刑網之所及姑囁聚以相依抑有由焉蓋非獲已永言其弊用軫于懷如能相率來歸各安生業並無所問咸許自新宣示中外咸使悉知

八年五月壬辰曲宥京城內見禁囚徒並釋放是月癸卯制曰自古帝王順時行令當北至之炎燠應南風之長羸必事無刑解網申惠叙麥秋之氣而代天理物矣朕獲奉珪璧處恭郊廟一已有餘承累聖之洪業為兆人之父母戰戰兢兢懼不克濟而天地幽贊陰陽化育闡輔之內農祥孳臻嘉穀豐衍宿麥殖閭閻之間倉廩有得百費低錢寔曰小康自非上帝報貺烈祖儲社鄉士存誠黎元盡力之效思與萬方百僻咸共樂之而未能也况或抵常憲累然就拘分對官曹幽閉獄才永惟械繫之

慘迫復冒犯之由皆自王化之未醇風教之多闕俾民志耻格
俗虧禮讓陷在刑典又於狴牢當頌陽助生之時積冤蔽感傷
之氣百姓有過在予一人顧諟欽恤誠切傷痛用申在宥之旨
庶洽惟新之令自大曆八年五月二十一日昧爽已前天下繫
囚見徒及已發覺未發覺已結正未結正死罪並降徒流流已
下罪並宜放免敢以赦前事相言告者以其罪罪之亡命山澤
挾藏軍器百日不首復罪如初夫承天之序則三時有成自中
形外則四海蒙福嗟尔庶士諒悉予懷

九年四月壬辰制曰朕誕膺天命以撫方夏兢兢夕惕保佑惟
人懼庶獄之未孚俾一人之不獲思用哀恤與之和氣頃屬
夏多虞干戈是務徵賦頗重黎民不康內迫艱窮外乘師旅因

行盜竊自陷典刑纍然圜土之下佇勦視陰之命永思感此焉
疚心而寰宇之間舉類斯衆今火中維夏長羸及時壽然沈繫
致傷和氣萬方有罪在予一人將五淳之化更布維新之理其
大曆九年四月二十四日昧爽已前大辟罪已下已發覺未發
覺已結正未結正罪無輕重一切並宜放免敢以赦前事相言
告者以其罪罪之其在軍將士有刁箭所傷及嬰沈疾者戮力
強塲身鋒刃各委所由量給藥物厚加優賞其陣亡將士仰本
路隨事優恤妻子各申錫賚其百姓鰥寡孤獨不能自存者困
窮無主誠可哀傷仰所在州府長官每事以諸色官物量加贍
恤令其得所亡命山澤挾藏軍器百日不首復罪如初在宥之
典既周動植純嘏之錫庶追子孫凡在品彙各宜遷善宣示中

外諒慈朕懷

十二月寅辰勅京城見禁囚死罪徒流已下罪釋放

十九年壬寅宥京城內見禁囚死罪徒流已下罪釋放

十二年六月丁未以旱故詔曰頃屬煩暑差候憇陽積旬處于

高明之中猶有鬱蒸之歎而况幽閉微戶辯對官曹俯臨秋斯

將止時憲重循欽恤之道載引全宥之人其京城見禁囚犯流

已下罪並宜釋放

新刊監本冊府元龜卷第八十八

